



元詩體要卷之三

姚江月宋公傳

編選

七言古體

上繼學王公

黃清老

大風捲地沙塵昏。十日不得一出門。眼中俗子
浩於海。思欲一見雲中君。雲中之君玉為節。鴈
冠峩峩照晴雪。振衣驚落琪樹花。片片人間作
明月。有時霹靂生風雷。松聲曉落青崔嵬。衆芳
收雨作春色。瑶草綠遍三蓬萊。有時筆端吐光

恹干將生花玉龍蛻。廣寒天上聞步虛。萬壑千崖起秋籟。嗟余困學無所成。仙家幸識黃麒麟。願從輞川覓詩法。白鷗飛入南山春。

賦得金盤露送宋顯夫僉事之山南

程益

鳳城仙客來揚州。便當解此千金裘。丹丘夜出瑪瑙甕。洞庭春泛垂華舟。看花路入竹西寺。吹簫人倚橋邊樓。舡頭對月且獨飲。錦袍明日金陵遊。

送黃五舅得武陵校官還辰州寓居

首侍

揭傒斯

寧上山頭種禾黍。莫向他鄉作羈旅。山田得雨尚有年。他鄉憔悴何人憐。一身千里家何在。金家更在沅湘外。獨樹鷄鳴楓葉飛。荒村鴈沒蘆花碎。親在窮邊望子還。子在長途衣復單。居無寸田出無僕。明年作官當食祿。

送人從軍

妙年好文仍好武。一旦從軍氣如虎。彎弓已作。

滿月圓。拔劍更。逐回風。舞悲笳。四起旌旆愁。蒼
山。偃蹇黃雲浮。陣前手繫降王頸。馬上仍懸猛
將頭。復讐義大身命小。頂天將軍古來少。一戰
功成六合清。不用黃金印如斗。

送友人赴陝西作縣

貢師泰

角聲吹起滿城雪。北風蕭蕭嘶小驥。銀瓶細溜
葡萄熟。三疊歌殘人欲別。長安西去山巖峩。野
曠春濃詩思多。縣深花拂琴絲和。小吏呼籌衙
又過。莫忘都門送時節。揚柳枝寒不堪折。

送龍子高之湖南帥府

沙碧虛

澄江注水中。天馬駒一日一行千里餘。即君磊砢
亦如此。俊才往往爲時需。去年携書謁衡岳。遙
見秋空飛一鷗。大藩諸侯重文章。致身忽入笑
蓉幕。青春奉檄升高堂。綠衣婉婉秀眉長。捧觴
携親爲親壽。獨騎匹馬行三湘。湘中故人候君
至。爭採蘋花寄春意。定王臺畔煙雨深。楊柳青
青已垂地。我尋舊隱東山阿。望君不見思如何。
江頭春水渺相接。日暮碧雲天際多。

送婁伯高遊吳

牟獻之

桃花水暖清明前長堤柳色青如煙
男兒年少重意氣春風買醉吳江舡
西湖三月春更好笙歌錦繡神仙島
紫燕樓深翠黛閑碧羅天淨楊花老
興亡往事置勿論千金不惜酌歌尊
酒酣莫作後庭曲遊人思斷江南蒐
去去知君訪陳迹吳水吳山青歷歷
花殘鈿碎館娃空春草年年為誰碧
君行正樂我為愁白髮送君思舊遊
平生漫浪無似我努力功名須黑頭

送周草窓尊師歸廬山太平宮

成廷珪

匡廬之山仙所居銀河倒蘸青芙蓉
三十里路昔一往十八社友今何如
向來匡君結廬處至今海月懸高樹
水流花落春復春洞府蒼茫隔雲霧
西風瀟瀟吹短衣賣藥脩琴不歸去
潯陽潮落海欲枯幾時再得麻姑書
桂風不跨林下虎回仙肯顧盤中魚
幸番神物守丹鼎喜近弟子迎
飈車世間信有揚州鶴看汝乘之上
寥廓晴窓瀕理白雪絃爽氣仍開紫霞閣
袖中寶劍

且藏鋒彭蠡小龍方睡着

送華山隱歸西湖

王士熙

方士求仙入滄海十二城樓定何在金銅移盤
露滿天琪樹離離人不採軒轅高拱聖明居群
仙真人左右趨青牛谷口迎紫氣白鶴洞中傳
素書珊珊鳴珮星辰遠寂寂珠庭雲霧虛脩真
如漆古仙子玉林芙蓉染秋水九閩高寒不可
留歸去西湖種蘭芷山頭宮殿風玲瓏玄孫飛
來千尺松閑秀誦經鍾磬響石壁題詩苔蘚封

欲向君王乞祠祿安排杖屨來相從

送祝舟陽武當

楊維禎

武當之山上參天上有天帝居其顛陰陽蔽虧
藏日月草樹蒼蔚含雲煙六丁開山鑿空翠萬
神扶棟飛脩椽金門躄躄守龍虎玉珮纒纒羅
神仙人間塵俗不易到我常夢想思攀綠嗟君
此行非偶然冷風吹至虛皇前手持御香謁帝
所口漱瓊液哦靈篇蒼龜巨蛇出神怪朱鳳白
鶴相後先帝命青童授寶訣谷神不死真玄玄

却披羽服謝仙友，咲視浮世三千年。

奉寄翰林鄧侍講

范梈

曩承持節江之東，騎鯨再上蓬萊宮。蓬萊仙人
歌白鶴，聲落五湖烟雨中。世間爵祿不易致，何
獨去就如飄風。朝廷禮樂湏制作，六經隱義資
發蒙。論思廟堂集耆碩，啓天寧讓前諸公。閉門
讀書古都市，四輩冠蓋方隆隆。我生生長在窮
谷，那有文字爭人雄。謬蒙引喻百僚上，負祿府
署慚無功。一別十年還有五，昔者少壯今成翁。

誰知復客七閩下，隔二千里來詩筒。羸軀頓醒
瘴癘惡，賴以慰此心。冲冲越王城南浪，自白越
王城西花正紅。

贈歐陽群玉還鄉

歐陽玄

歐生手持歐公誥，欲謁歐鄉玉堂老。老子前年
勇退歸，自謂京華迹如掃。今年抱病萬山中，鋒
車數來催就道。歐生相遇黃鶴磯，我病何由展
懷抱。名鷹奮翅望霄撐，老驥垂頭斃霜草。眼前
趨向已兩途，安得瑰辭贈君好。迴鸞到手光五

彩坐覺虹蜺貫晴昊國家恩數不易得文獻子
孫當自保瀧岡栢柱少封殖焦陂荷花久枯槁
高堂集古散四方而我什襲傳家寶

寄雪竇寺生書記

印秋海

清泉白蘆八月秋寬鞋瘦策十日遊石林風冷
夜不寐冰絲繞指白雪流身名杳杳雲間鵠世
事紛紛蕉下鹿雨晴春暖即相尋千尺巖頭看
飛瀑

有懷梁仲經父

楊奐

美人熒熒在何處海闊天低隔雲霧珊瑚零落
芙蓉空咫尺相望迷去路翠輦金輿雙鳳凰風
吹環珮聲琅琅壺觴狼籍事已往一目萬里愁
茫茫劉郎竟是誰家客歲晚霜華林葉赤美人
熒熒在何處鴨綠江頭江月白

神州八景

太液秋風

陳亨

一鏡拭開秋萬頃碧天倒浸琉璃影寒飈夜卷
雪波去貝闕珠宮黛光冷三千歌掉搖綠烟濕

鬣吹墮黃金蟬。琪樹涼颺紅鯉躍。袞龍正宴瑤池仙。

瓊島春陰

一峯亭亭湧寒玉。露華不墮瑤草綠。朱樓千尺星漢間。天風吹下笙韶曲。萬年枝上榭葉滿。小鳳悵悵繞龍管。金根曉御翠華來。三十六宮碧雲暖。

居庸疊翠

斷崖萬仞如削鐵。鳥飛不度山石裂。巖峩老樹

無碧柯。六月太陰飛急雪。寒沙茫茫出關道。駱駝夜吼黃雲老。狂鴻一聲起長空。風吹草低山月小。

金臺夕照

危坡十二青雲梯。老樹偃伏猶躬圭。長裾已曳星辰去。殘陽猶掛盧溝西。召南二百年宗社。一日黃金重天下。精躔寶氣夜不收。又見斷霞明朔野。

盧溝曉月

長橋彎彎眠海鯨。河水不澱冰崢嶸。遠雞數聲
燈火香。殘蟾猶映長庚橫。道上征車鐸聲急。霜
花如錢馬鬣濕。忽驚沙際金影搖。白鷗飛下黃
蘆立。

西山積雪

凍雀無聲庭檜響。水花洒簷大如掌。平明起視
巖壑間。挿天瓊瑤一千丈。夕陽微漏光差峩。倚
闌更覺爽氣多。雲間落葉有徑否。想見樵叟披
青蓑。

玉泉垂虹

雲波碧。巖千崖高。落花點點浮寒瑤。日斜忽有
玉泉氣。飛上太空橫作橋。古寺殘鐘塔鈴語。回
首前村猶急雨。輕綃欲剪香幅秋。又逐西風過

南浦

南浦

黑雲如鴉漲川谷。雷踴電躍風折木。半天萬點
捲海來。森森映窓如銀竹。鳳城無數笙歌樓。珠
簾半捲西山秋。誰知羈客家萬里。一燈正擁寒

余悲。長短句體。長短句者古歌辭之類其語峭絕頓挫其音高下抑揚有波瀾開合之勢流動變化莫測其涯渙今取麗而不浮奇而不僻恠而不俚參差而不亂者列之編中

長風沙

楊奚斯

長風沙風沙不斷行人嗟行人嗟柰君何南風正高北風起大船初灣小船喜移船更近大船

頭不獨風沙夜可憂但祝行人好心事長江何處是安流茅屋參差數株柳平時尚置官軍府青裙老嫗詫鮮魚白髮殘兵賣私酒魚賤可買酒可沽他人心事知何如

居庸關

陳孚

車稜稜石确确車聲彭彭闔石角馬蹄蹴石石欲落不知何年鬼斧鑿僅與青天通一握上有藤束萬仞之崖下有泉噴千丈之壑太行羊腸蜀劍關身熱頭痛縣度索一夫當關萬夫却未

必有此奇巖。吾皇神聖混地絡。烽火不紅停
夜柝。但有地險。今猶昨。我扶瘦筇。立倦脚。欲扣
往事雲漠漠。平沙風起。鳴凍雀。

別離情

貫雲石

吁別離之苦。苦蒼梧之野。春草青黃。陵廟前春
水生日暮。湘裙動輕翠。情竹亭亭。染紅淚。又聞
垓下虞姬泣。斗帳初驚。楚歌畢。佳人閣淚。棄英
雄劍血。不銷原草碧。何物謂之別離情。肝腸剝
剝如銅聲。不如斫其竹。剪其草。免使人生為情。

老

送趙履道虞叔常還江右

揭傒斯

趙子我同里。虞郎我同年。手折武昌柳。送上西
江船。買魚沽酒燒荻鞭。夜下西塞寒。山前西塞
山碧如苔。君今去幾時。來東風花開春水漲。待
君黃鶴磯頭望。君庾公樓上。

出門別親友

陳孚

停君漢水浮鴨之翠杓。聽我嶧山栖鸞之綠桐。
男兒拂衣出門去。龍泉三尺光如虹。君不見蟠

溪鶴鬣釣魚者。偶擲漁竿來牧野。白旄麾開炮
烙烟。桓圭朱芾侯青社。又不見南陽臥龍人不
識。一朝佐漢坐狼石。羽扇輕搖蛇鳥驚。火精燄
燄天西極。旗亭四月柳如藍。紫駟嘶風黃金驂。
豈無扣牛歌。亦有捫蝨談。天生崑崙岩。翠嶺骨
蕩萊。槁死誰能甘。我欲登泰山。扶筇歎天關。東溟
若木如可攀。手弄日月青雲間。我欲渡黃河。赤
脚凌秋波。水仙樓閣銀嵯峩。徑叱海若笞蛟鼉。
停君翠杓聽我綠桐。真人開天六合同風。騶虞

鳳凰飛舞鎬宮。有線五色麟。子重瞳。補舜衣裳
山龍筆。虫虎豹。九關兮。不可以達吾。則脫冠歸
來兮。居山之青峯。長揖二三子。且送西征鴻。

陳雲岫愛騎驢 真山民

君不學少陵騎驢京華春。一生糝食長悲辛。又
不學浪仙騎驢長安市。淒涼落葉秋風裏。却學
雪中騎驢孟浩然。吟濕銀韉敲吟鞭。梅花溪上
日來往。身迹懶散人中仙。有時清霜松下路。松
風蕭蕭驢耳豎。據鞍傲兀四無人。牧子騎牛相

爾汝勸君但騎驢行路穩姑徐徐九折長途鞭
快馬年來曾覆幾人車

送人之四明效揚翰林長短句 金仁本

百官山高峩峩梁湖漫截龜鼉鄉巫昔日迎婆
娑中節八字題曹娥君今甬東去正向江頭過
船頭滿載上虞酒船尾聽唱明州歌明州三佛
地昔衆我曾去記得舟人說鄉語烏撒飯箸魚
羹阿婆燒火新婦烹有錢我亦買魚具築室海
陽依汝住

贈別

張子素

送君一出江之湄為君一典身上衣臨風沽酒
與君飲欲別不別心依依節稽八尺兩芒履倏
忽歸來倏忽去輕帆閃閃不可留極目青山渺
煙樹今日與君盟白鷗明日與君風馬牛人生
得喪何草草秋月春花為誰好江湖漂泊真可
憐我幸少年君已老君已老可柰何故山石室
高峩峩何如歸來耕釣老其下日日聽我春風
歌

贈友人

鄧牧心

我在越君在吳携書邀我遊西湖我還吳君適
 越遙憶三江共明月明月可望佳人參差與君
 携手西湖上相思空誦停雲詩知君去掃嚴陵
 墓祇把清尊醉黃土浮雲茫茫江水深感慨空
 勞弔今古孤山山下見陳實連騎東來踏春色
 湖邊千樹花正繁莫待春風吹雪白有酒如澠
 有肉如陵鼓趙瑟彈秦箏與君長醉不用醒何
 如千秋萬歲名

贈天台潘秋崖山人

戴帥初

老潘雙眸如紺珠帶以秋陽朝露之清腴山形
 水態出沒千百變經君指顧不得藏錙銖我昔
 少年好狂走風食雨沐逐逐忘朝晡至今臥遊
 想其處但覺雲濤烟嶂千里行須臾匡廬春風
 鍾阜雲彭郎之磯大小飛來孤秦淮震澤洞庭
 野峽眉縹緲南接五嶺東蒼梧歸來把鋤剡山
 下一竿釣月賀家湖籠鷹橙馬困羈束每逢風
 鳴草動驚號呼聞君談論到骨髓寒衣振迅恨

不六翻生形軀尋牛下龍古亦有君家子孫三
葉傳青鳥人言河流可移山可鑿秦皇漢武已
類愚公愚相看徘徊山南山北一百里勝處忽
空開酒壺問渠劉伶一重一鍾欲何用且可提
我日日醉倒黃公壚
方寸鐵為鑄字盧仲賦
董良用
方寸鐵百鍊鋼吹毛劍鋒秋水光鑄勒妙擬部
竹房倒薤文連環鈕通侯纍纍懸肘後伏龜趺
嗜酒首頌德紀功垂不朽鐵名已著霜滿鬚復

得鐵業傳二雛勿剗元祐黨勿刻諗庭符何如
往補石經缺萬古六書存楷模天下英髦知所
趨伊誰之力丹丘盧

醉歌贈卜者陸華

丁復

雲心子陸農師之子孫老來賣卜錢塘門搜玄
扶微孽混淪進退五緯扶兩輪韓父及芒兒束
手就律呂不敢差毫分前身定是張博望老樹
倒騎上昆侖投杼機上女飲牛河畔人與之細
說天地根却來人世二千歲君平骨朽呼不聞

元符卷三
十五
功名富貴無足云祇談禍福開首昏得錢沽酒
和天吞赤城有狂客十年江海看浪翻歸來黃
塵中拭目驚見君抵掌一長笑各拂頭上巾
時綠髮滴可染祇今雪鬢縹吳盆少者忽已老
長者不復存政須日日醉倒湖邊尊尊已倒還
再沽不愁黃金盡但恐清且無舉手招羲和低
頭喚天吳勸尔勿東逝止尔毋西徂西徂不可
止東逝無窮已囑付酒家兒明當復來此

寄友

端景元

煙蒼蒼濤茫茫洞庭杳杳天一方上有七十二
朶之青芙蓉下有二萬六千頃之白銀漿中有
美人兮佩服金鴛鴦乘龍車鳴月璫天風吹我
登其堂飲我以金莖八月之沆瀣視我以崑丘
五色之琳琅浣爾精滌爾腸洒然心地生清涼
非獨我以眇四極輕八荒抑且可以老萬古凋
三光兮不見兮空慨慷又不見兮空慨慷
梁貢父學士江行阻風圖 鄧文原
匡廬枕長江彭蠡居上游我幼不識風濤怒但

喜青山綿亘急槽鳴中流老來行道增百憂山
有虎兇水次多蛟蚪梁公示我江上圖空齋颯
爽回高秋想見飛廉簸蕩驅陽侯雷鼓動地萬
貌貅連檣十日不得發何異駿馬伏櫪鷹在韉
行人徼福古祠下潔觴置酒肯且柔小姑倚絕
岸彭郎渺孤洲脉脉關情隔烟水不如天孫絕
漢從牽牛明發風止江鏡淨楚天無際來掉謳
回首繫舟處惟有參差烟樹飛鳧鷗世事翻覆
那有定人生憂樂誰為謀慨彼東逝川白日不

得湏臾留灘滄浪委浮休買田結屋山之幽
擷芳釣鮮亦足樂安用高門列鼎冠蓋誇鳴騶

岳陽樓

巴陵形勝甲天下郡治西南有樓曰岳陽
盡得巴陵之勝至元丙戌余以監察御史
按臨長沙道出巴陵凡一往返不暇一登
甲午夏備負湖北憲司分司于辰始得以
酬平昔之志噫湖山如此造物者何其勤
邪因留數語以識歲月云

洞庭一水七百里烟朝月夕皆經過豈知斜陽
萬里更有一佳處君山十二盤青螺乾坤有此
樓萬古高差幾憶昨長江咫尺限南北風霜晝
本一日千摩挲今朝快一登恍若驅沉疴生平
所羨鑑湖請乃今更覺君恩多湘靈也自知我
至時令白鳥來婆娑鐵笛紫荊曲春草黃陵歌
江山一醉謾不省悲風落日生白波愛山愛水
亦非癖柰此日月如飛梭彭蠡銀山堆碧海青
銅磨武昌雲間嘆黃鶴采石天外愁青蛾詩家

瓦光參差浮榭楠下視十二之衢兮袿服士女
東西行者藐蠕蠕之吳蠶黃鶴之仙人霓冠青
瑤簪御烽旌于列缺倒景兮偶見我以大咲欲
駐我征驂攀東溟之博羅曜折西極之優鉢曇
飲我以葡萄鴨頭之綠兮侑以洞庭之蒼柑洞
庭帝子鼓軒轅之瑟兮舞干戚而撞宮函白也
挾赤鯨以旁睨崔顥倪縮而不敢以談浩浩乎
萬丈之氣兮長虹橫空天矯而方酣下蟠黃之
輿上幹玄之堪安得挽招搖以酌元氣兮妙大

元情卷三
極而函三慨彼在昔如焚如煠陶司馬之狂悖
庾大令之貪恠鸚鵡之洲何罪而戮赤壁之磯
何功而戮吾豈若二三子斲崑崙之璞兮輕蹈
夫太阿之鐔飛來兮黃鶴跨汝後兮彭聃

書李伯時九歌圖後

吳微

李家書手入神品楚賢流風清凜凜誰遣巫陽
叫帝閭為招江上歸來蒐音紛紛音紛紛柱高
辰遠總不聞扶桑初暎海橫雲一妃淚洒重華
墳司命播物泥在釣洪纖厚薄無齊勻公無渡

例

老君英妙羊獨往志千載天馬出名駒空行見
風采昨日嘶書到空谷甚欲留之不能待九月
開帆指四明曼曼高秋望瀛海海上接天漫
漫世人不知此別難當君夷猶碧嶼日是我對
月未夕猿狖啼青巒江樹葉飛天雨霜江上吳
歛思斷腸窈窕徐家兒與女却望蓬萊如故鄉
君行却向三山望雲霧軒窓六鰲上東方雖樂
不可以又留歸獻仙公白雲唱西過錢唐過順
風為拜湖南持斧翁會稽學士臥雲島朱絃流

水鳴孤桐道我寄語莫匆匆送君有情亦如海
海水有盡別意終無窮

贈別清夫還吳

新雨不作泥鈞軸樹上帝征夫懷遠路家在太
湖西別家今幾度楊柳江邊樹念卿車輪下漸
是中年路萬事中年尚可期人生且莫長別離
長別離向何方九江落花清蒲香玉雕班班鳧
乳黃南望不見三高堂柰此遊子思故鄉我家
諸公濟時早功成身退合天道當時未必知者

賢挽不回之臥烟島後來閱盡虧成事始識從
之去時好我不能赤手縛虹蜺又不能委身同
草木生逢堯舜世肯受泥塗辱昨者誤奮龍門
雷蠃蚌嘲之自云足憂來舉觴酌白日唯有皇
天照空谷張公子吳江生我有千載意不羨身
後名為君寫作贈行曲曲中鏗戛難為明君行
不聽我意不平明日買船權秋聲亦欲東下窺
蓬瀛飄然如去白玉京須卿禹穴來相迎相迎
未見須相待客行雖遲心不改

送戴和甫歸越州

虞集

戴先生。日飲五斗。醉不得再飲。一石不肯眠。昨
從桃源來。兩袖携風烟。長安市上小兒女。拍手
攔道呼神仙。馬如遊龍。花如雨。蹴踏春秋作朝
暮。東方不作窓間戲。上帝還令海邊去。海邊玉
虹夜不收。貝宮珠闕皆蛟虬。芝田玉樹久相待。
天上老仙那肯番。戴先生。鑑湖之水。三千丈。不
可以鑑。可以釀。明朝亦脫錦袍去。與爾酣歌釣
船上。

送海東之下第

海東之兄弟二人。如鳳凰。胸臆羽翮。皆文章。九
年三入天門。翔伯冲。天季驚人。一日四海皆知
名。東之之文。五色雲。見者眩晃。生眇昏。

了若耳不聞。二人得之喜未足。云東之不
慍。乃可尊東書。江上歸。見親君子之樂樂。最真
君不見。匡廬之山。嵩萃而峩峩。左界豫章。諸川
匯為蠡。鄱其陰。浩浩千源。導岷經潛。沱山氣東
鬱。不得去。上衝為紫蓋。直與天相摩。為雲覆八

極為雨漲九河海東之子能觀山以成德其進
蓋未易量也偶爾小屈柰爾何

送素庵劉總管歸

黃清老

當年繡斧出九天。倏如白雲下長川。千峯收雨
作秋色。至今梧竹吟寒泉。熙臺重來又三載。千
將出匣光不改。冰漿盡貯明月秋。風露冥冥接
滄海。海空迢迢行玉麟。霜影蕩漾龍蛇驚。石田
歸來紫芝好。策馬更入南山青。漁陽歌兩岐。何
如陽春生物物。不知魯人頌泮水。何如絃歌一

十里。昆也。虎渡河。寬也。蒲作鞭。何如樵溪九曲
落葉靜。平鋪綠水栽紅蓮。紫微殿前列藩輔。華
蓋蒼蒼五星聚。夔龍蹴躡天一方。蟋蟀吟秋桂
枝暮。蓬萊楓葉昨夜秋。琉璃樓夢覺題金甌。銀河
橫空白鷺去。安得追逐釣天遊。

留別金門知己

李洞

我本山人素志丘壑。獲歸名山為願畢
矣。爰以四月初一日離京師。是夜抵潞
陽。慨然賦詩。遙慰匡廬隱者。併似金門

諸公為一喙云

野馬脫羈鞅，倏疑天地寬。臨風一長鳴，風吹散
入青冥間。頗如魯仲連，蹈海不復還。又如安期
生長留一鳥，令人看江南。浩蕩忽如海，落日照
耀浮雲間。既不能低眉伏氣，摧心頽詭。遇特達
驚冥頑，又不能抱書挾策，千萬乘。調笑日月相
迴，磐圭廬迢迢。接仙山仙翁，泛若秋雲間。長松
之陰，引孤鶴望我。不見空長嘆，來鉛天地津。飲
綠桃花灣，蒼梧倒影三湘寒。赤城霞氣生微瀾。

鯨鯢翻空海波赤，曉色欲上扶桑難。人間之樂
兮，誠不足恃。何如歸臥樓嵒，密棲嵒巖，臥岩穴
夜半天風吹酒醒，猶有西溪萬年月。

漢陽即官湖

仙翁薄暮醉酒歸，杖藜迷却高陽池。清風吹花
綠陰倒，我咲謂是秋雲移。還乘貫月槎，夜過即
官湖。崢嶸星斗入江漢，蕩漾槎影如鯨魚。九華
之真人，邀我倒玉壺。麒麟脯，供行厨。依稀仙
樂在空際，碧山四映寒蟾孤。舉酒酌寒蟾，明月

下飲姮娥俱霓裳拂雲錦萬荷露瀉瓊瑤庖
幢暗靄羅烟空乃有三皇所授之玉童風前飄
飄曳廣帶對立十二秋芙蓉清香九曲銀河通
真人綠髮披春風錦袍玉雪照天地口說姓字
安南公是公多逸氣略與古昔賢豪同時能掃
月色延我石室烟蘿中又言昔同張謂所遊地
長咲一覆舟霞鍾風吹仙樂度溪去我亦醉臥
香爐峯

金山

潘景良

嵌岩穹窿屹立于江中崩湍下瞰不見底巨石
崛起高摩空混沌破來到今幾萬歲雄奇秀麗
胡為乎此山兮獨鍾長江西來一萬里當空削
出金芙蓉上有金仙居下有馮夷宮寶坊櫛比
列霄漢塔影倒置驚魚龍有時洪鍾咽烟響潮
音屬和驅群顰鳥飛竟力不得到我嘗拏舟一
抵其雲峯攝衣步樓閣矯首觀無窮齊州九點
落眼底岷峩西望蒼溟濛忽聞長風破巨浪芥
蒂一洗平生胸山僧喜殊常握手何從容盃擎

陸羽水。茶泛玉川風。鶴菴散仙。恒齋老翁。把臂
大。咲。聲。融。融。天風吹袂欲輕舉。白雲縹緲知何
後。不知海外之三山。群仙之樂。與此將異而或
同。迄今別去五六載。我舟又復來。掀蓬山靈偃
蹇我踞傲。塵懷汨沒不得追前踪。風帆一咲金
山過。過山頭落日飛冥鴻。

太山高一首上王尚書

廼賢

太山高不知其幾千丈。方但見銜恒嵩華何其
低。膚寸之雲雨。天下東西南北三十七萬八千

里。為無枯畦。吾儕小人重報本。春至三月下漸
之。八日幼壯老稚相扶携。五步一稽首。十步一
頓顙。蠟光檀氣壓衢路。帝德浩蕩無端倪。帝曰
嗟。下民何以厚汝。提我有香案。吏置之黃金闥。
前期一日遠賚汝。下與有宋十一葉。天子蘇遺
黎。胸中七百里雲。夢筆端一萬丈虹霓。臂間六
鈞弓。指下十萬輦。囊中書萬卷。坐上賦十題。朝
聞擢英上蟾蜍。暮見賜食烹駃騠。蒼苔紅藥省
中宿。花底柳邊歸路迷。上坡直作威鳳鳴。騎馬

不敢寒鷄栖綠叢青空忽夢江海去便欲畢命
依見鷺一朝喚起作邊陲黃河以北兒女皆驚
啼載筆九天上判花雙禁西夕闌拜青瑣金殿
執牙寬銓衡百里聽文印九州提此皆東坡六
一間關所僅得老馬歷遍無留蹄不羨百官班
迎入東閣不羨十里列炬行沙堤千羨萬羨越
中千岩與萬壑雲門寺外若耶溪丈夫東來不
用高牙千騎殺風景只在古錦詩囊消一奚蓬
萊閣上三大字意氣欲與羲獻父子相攀躋元

才子龐將軍二人名字不相齊一公文字照今
古一公武烈傳耄觀皆不如王尚書詩隨賈
過南海箭壓飛將驚幽蹊但令十歲眉壽無與
害世間富貴皆塵泥

丹山高壽陳本堂

戴時芳

太學博士本翁先生降神華旦六月望
前二日也雪溪亭長戴某賦丹山高
丹山高哉維石岩岩兮卓然屹立上摩蒼靄之
蒼空赤水西來走其下是為四明洞天兮石窓

面面光與日月星辰通上有蟠桃三千歲下有
玉樓十二重瓊芝瑤草不知其名兮蒼虬玄鹿
羅洞府中有仙翁擾白龍方瞳耿耿射日月第
九節兮冠芙蓉當年曾朝天帝所六月火雲導
祝融帝怜下土焦槁曰汝往哉少試霖雨功於
是馮驩瓢於帝鄉神臯之地兮麾叱列缺鞭豐
隆既而桑田變滄海徃徃才大者亦難為用兮
神功始收斂於雲蹤但見丹崖仙華照今古夜
半碧鷄啼動扶桑紅我翁掀髯奮長咲起踏斗

杓呼天風玉母駮馮下瑤闕廣成跨鶴來崆峒
少君歸後赤城北長君來自金華東金華赤城
棹是神仙客引領翩翩群從壽我翁我翁今年
開九奏精神矍鑠氣如虹擁書百城縱麾指又
何羨乎後車之載非羆熊回頭舊京二十載春
夢阿婆一咲中見謂全身保明哲又何遜乎子
房之遊從赤松富貴威武不可以苟屈兮自非
仙風道骨有真趣宜許我輩雞犬長相從比之
卅山高節世所少嗟我欲說安得廬山高哉巨

華如歐公

黃鶴樓

陳孚

嶸嶸乎黃鶴之樓兮突起乎天之東南吾不知
其幾百尺兮踞石磴而仰望金碧之耽耽手捫
星漢如可近但見天飛吹髮寒纂纂瞿塘三峽
之波濤洶湧兮擊而下兮雷聲怒撼于江潭忽
繞城以比匪淨若萬頃之青藍楚山數點鸞鷲
蛟躍兮碧影倒浸乎烟嵐殘霞似落未落兮蒲
獵獵以風偃柳依依以露含武昌亭臺一十萬

此頁在左前
文原在陽橋

割據幾今古元氣發泄天不訶扁舟歸來月一
簑仙槎已候三山阿吾欲乘興觀銀河

雲林歌為貢供奉作

范梈

朝望宣城夕企雲林掃花釣月清我閑心城東
之山倚天碧手捫南斗近咫尺幽人築堂面山
坐絕似謝公故時宅謝公今何在蒼苔翳行跡
調笑誦新詩流水照白石看水作明鏡年光靜
來徃夜深敬亭雨坐見南湖長清風披長阪鳥
度菱葭響雲之朴兮不可攀中有青猿白鶴相

盤桓林之雲兮不可縛時來宿我青擔端昂截
老仙人把劍臥山側憶在中華時相逢鬢未白
問之不笑亦不言阿茶中子瀛洲客却起遺我
寶字書依稀攝精鍊龜兔相期後天無極年共
爾守之合自然專氣還得同飛仙未登雲林堂
試作雲林歌嗟我父容意衰邁雲林雲林柰尔
何

望瀛海一首送危太朴之四明兼簡廉
訪鄧使君翰林袁侍講

公無渡衝風起螭鼉怒夜猿啾啾天欲雨天欲
雨迷歸路歲晏山中採蘭杜靈脩碩碩復去莫
怨瑤臺神女妬坎坎鼓進步醜耻作蠻巫小腰
舞千年往事今如新摩挲舊畫空愴神騰身輕
舉一回首楚天萬里江湖春

韓節婦

彭家

巴陵郡西江水渾赤沙黃壤東南奔迤來湜湜
已百載中有婉孌之忠菟當時郡有賈氏婦志
節凜凜摩乾坤家亡國破身繫義不辱乃是韓

魏國忠獻五世之曾孫臨平湖開石封發五陵
氣盡天房昏鐵馬三百萬北來正噉噉連城破
竹勢迎刃牽羊繫頸投冠解綬乞伏竄匿俱紛
紛不意弱草中見此松栢根讀書不如曹大家
事大却似桓少君君臣大義本與夫婦一慷慨
萬古保貞操眎死生朝夕不啻富貴如浮雲恨
不生為男橫戈赴三軍棲棲臨絕音耿耿昭人
文練裳縱橫四百字上陳祖宗創業有至道下
斥奸邪誤國偷生存吾辭既畢分已盡精衛何
苦猶漸寃想當捐珮入不測幽光上浮白日馭陰
魄下塞珠宮門湘靈鼓瑟宓妃泣馮夷長嘯群
龍翻至今誦其詩感其事令人浩氣填胸那可
捫或者疑之不能成人善為其見夢於人不若
效靈史氏為可敦嗚呼世無歐陽公斷臂之婦
終無聞可以愧賣降表貞節薄俗誰能譏兔園
我顧然犀取靈封以覆屋旌以石表雙高躄奏
之大庭布天下激厲臣子皆忠淳可以植三綱
正人倫為余有不信請視曹娥墳

餘姚海隄為判官葉敬常賦

楊維禎

天吳螿精衛啼娥江之北蛟門之西大禹東來
 朝會稽九河一疏錫元圭寥寥三千載桑田變
 滄海涿水日橫流我思訢真宰相門子葉大夫
 蒞政三月初海如瓠子決澶瀕趨江濤黑浪相
 吞屠元光白馬有祭璧羽山黃熊無玉書蛟眼
 射赤日蜚民不寧居業大夫海砥柱驅鬼鞭運
 神斧五丁一力萬夫一語新甫取柏崑山取石
 金錐築土首鎖陽侯之咽腳踏支祁之股玉繩
 永奠三萬六千尺陳公堤自公築無足數君不
 見石人夜語魯已仙河伯血面上訴天葉大夫
 回狂瀾障百川海不波石不穿河清海晏三千
 年

賦海涉

唐作蛇見本州

海風吹沙潮欲來青蝦亂跳凝紫苔初疑長劍
 斫出老蛟血又疑霹靂擊破妖龍胎蟹湯微泣
 瑪瑙髓蜀錦亂把并刀裁紅冰嚼碎齒不冷丹
 霞入腹鳴飢雷坐令海水化作葡萄醅我當大

嘯一飲三百杯

元詩體要卷之三

元詩體要卷之四

姚江宋公傳

編選

雜古體

此體非騷非樂府其辭激切含規諷意有
感人者亦古歌辭之類今準郭茂倩樂府
集雜歌辭例編置長短句之後以別古今
體裁之變庶幾無滄海遺珠之歎云

楚人弓

陸宅之

楚人弓懸兩石五十萬矢陷強敵絳人弓箭二

隻長歌入關成偉績多箭不如少箭力制敵若在弓矢間鳴修牧野高於山

國馬足

國馬足吉行五十轡如沃天馬足一日千里更神速國馬天閑飽芻粟太行鹽車天馬哭

母提刀

僕固懷恩欲叛其母止之

萬權

母提刀泣且教臣當死忠子當死孝天王待汝恩不薄食邑大寧頒紫誥兩虎爭百獸咲我欲為國除殘暴剗尔心謝三軍斷尔頭告七廟鳴

呼賊子何煩老吾老

甌有粟

李孝光

友人張子約名其齋顏樂子見而訊之則曰吾姑以自名吾烏知所謂顏子淵彼固不自知而孔子知之吾又烏知吾之樂凡吾所為自名亦以待夫吾知者爾予於是為之作甌有粟

甌有粟兮孰云吾瘦居有宮兮孰咲吾陋御冬有褐兮又烏用夫文繡人予哀兮予不知入事

父與母兮出從仲尼謂蠪蛸兮無胃我尸吾歎
歌兮其下

沂有梁

沂有梁兮維鯉維魴沂之兩厓兮有棗樹桑居
沂之人兮寬裕而善良占之人古之人兮翱翔
余其歸老兮沂之南東

擇木

孔子去衛歎曰鳥能擇木木豈能擇鳥
乎予將去楚而適吳越竊有感於斯言

故作擇木

提提兮飛鳥翔而集兮于木場有委粟兮而予
之不欲樊則有棘兮非予之樂驚則不二曾莫
予毒又集于陵母墜于墉豈不知兮有命嗟今
之人兮不二

東里

葛之漫漫母敗我垣河水之清母養我菑田予
甚勞苦彼黔不知予將遂歸其會其舊東里之
老聞予言而嘻予曰歸哉

有樊

有樊有樊樹予以孫胡不蕭艾蕭艾寔繁彼繁
胡治刈而而芻嗟人有邑曾不是國匪予孫之
病予聞有命

歸來

有悖孺子衣之狐裘匪一之病予以為仇既撰
予杖升望于丘江不可涉夕具予舟

桐江

朝取鱸與鮪暮取魴與鯽賦民無

革盡毛

安處我欲言之大將軍家將軍不見省柰何減
民租將軍出乘大馬入求高車

淞水

淞水兮滔滔其坎兮有蛟謂予兮無濟遂濟兮
無匏使予兮心憒其幽兮有虎啄害人兮不吐
謂予兮無斧又無兮強輔曾是兮弗顧獨柰何
而逢其怒

隴頭水

周到坡

隴頭水嗚咽鳴行人聽斷腸聲隴頭水嗚咽

行人淚眼中。血月薄。塞雲低。行人到此心傷悲。
世間萬水東流去。隴水分流獨向西。

江橋樹

阮魯瞻

江橋樹。荏苒年華暮。迎得行人來。送得行人去。
落葉成秋風。秋風在何處。

次韻

邵或之

江橋樹。日日斜陽暮。春風吹落花。半隨流水去。
花落有盡時。水流無盡處。

悲寒風

張翥

夜漫漫。風凜凜。嚴霜下。寒更甚。狐鳴鬼嘯有今夕。
倉卒劍戟生。高枕神光墮。地摧白虹鳴。呢英雄。
決空飲。

一馬圖

貢師泰

鐵喙駟連錢。驄何年墮影。江水中蒲梢。西來八尺龍。
天閑十二為雨空。五花雲錦吹東風。

言體

託物興喻辭多引用而復斷以已意若揚子法言莊周寓言宋王大言皆言也詩家

亦有此題今因題得詩就詩命體其篇什
多有可錄者故立言體以備觀者之采擇
云

寓言

徐甫

苦樂有冥定結髮與君婚中道棄我去白馬駕
華軒燕趙足佳麗吳楚多嬋媛妾自守空房蠹
蛸網妾門妾身當自愛敢謂君少恩

雜言

林清源

大樸本淳默結繩已多端書契起百偽千載不

復旋大道日已降支離競各言安得萬喙寂俗
厚如古先仍當廢簡牒置我六籍前
禮樂設空器詩書無全經仲尼既已矣沮溺不
耕耕誰能咲苞犧今亦無負卷我欲觀馬圖黃
河清未清

東家陶器窳適市日十千西家琢瑚璉待賈二
十年材輕信易售器重良自憐世事每如此古
今無不然
吾嘗觀四時亦復悲草木秋風落人間百卉不

空。歸。豈。無。岩。公。英。葉。繁。若。松。菊。世。得。根。本。堅。自
然。耐。出。獨。

春日雜言
言言重身自新
每事揭奚斯古

日月朝朝新
何物能獨久
常恐天與地
變化忽已朽
東風闐然來
茫茫浩無首
起視桃李樹
賤

朝出城西門
孤墳何穹窿
雄狐窺其西
脩蛇出其東
云昔有狂士
七尺材且雄
平生無所賴
屠狗涉春冬
一朝際風塵
身貴位益崇
死生好惡

間咄嗟
生秋風氣驕
日憑陵家國
兩萬蓬子孫
分散盡空
有牛羊蹤

慕歷揚柳枝
蒙茸春草齊
天大誰家婦
來桑臨路歧
零露霑其裳
蛛絲罨其衣
樹高身苦弱
蠶飢行復遲
辛苦事姑嫜
宿昔減容輝
見者皆嘆息
此心知獨誰
良人日暮至
醉問爾何為

啁啁田間雀
啄啄常下給
春水日已深
網羅復相及
既無養生具
日夕湯火急
多謝雲間禽
無為自羈繫

祝融九千丈瀟湘地底流洶湧洞庭野崩騰江
漢秋上有飛仙人身披紫雲表昔者常相遇緲
若乘舟丘同歌黃鶴消共醉岳陽樓思之忽不
見獨立悵悠悠

我有琅玕草欲贈江東客出門道路長卷袂空
歎息靈苗世所尚良士余所惜神仙無千年耿
耿誰復識

五歲能讀書十歲能賦詩十五事遠遊三十無
所為既乖俯仰責復為隣里欺生計日已疎世
態多瑕疵煌煌全張門徒隸皆光輝日晏賓客
集軒車如風馳一咲擲千金片言委黃泥齊生
獨抱瑟來往空逶迤

齋居雜言

何榮祖

名教無窮樂真知在暮年中庸萬事畢太極一
心全世事類觀易人情靜看天興來時有句率
爾亦飄然

續絃言

楊維禎

麟角莫為膠續絃絃在弓丁寧弦上箭莫射孤

飛鴻

買妻言

買妻千黃金許身不許心使君聞有婦夜夜白頭吟

詞體

感觸事物託於文章謂之譬若燕射譬士冠禮祝辭皆古辭也秋風辭白紵辭皆樂府辭也今名雖同而辭則異但因其題而倍其體云爾

去婦詞

江東有一士子留都下三年適娶一貴人女為妻父乃知其已有妻子矣一夕逃去因託去婦為之詩非徒欲傳其事抑以示風戒云爾

輕合解義終苟容希禮過遠結萬里昏多為才名誤始與君結好不知君有婦有女嫁他人俱懷託遲暮青青墻下豈生死墻下路娟娟道傍花零落無處所女子失其身何以保貞素既乖

百年意百年誰能度對鏡空悲暗中心良難訴
浮萍難為託一本無兩附棄舊屬新歡新歡漸
成故牢當中路拆莫被他人去寧老阿母傍不
受他人妬騰身出房闈兩絕不復願所願嫁他
人甘心西山樹

去婦詞

趙半間

里有孀婦子不檢而無室既疾病乃亟
為娶且命之曰為汝娶為宗祀計也未
幾死而子竟違母言尋出其婦婦以衰

麻在身義不得去被迫逐不可留因為
詩以寫懷

落葉不返柯去婦無歸年歛袂出故幃獨影心
悽然君心紙鳶飛萬里難拘牽妾如鬢邊花未
衰先棄捐憶昔初嫁君姑病在床前歲月能幾
何衰麻奉姑筵妾今辭門去撫官淡如泉九原
會有知當為去婦憐

毛女詞

楊維禎

海腥風吹腐龍華陰毛竹截雙魚叫濃宮中雨

露不可食。啖松啖柏。番春容。乘彤雲。挾紅霧。十
二峯頭。度朝暮。衣沐雨。鬢櫛風。榭葉楚楚。山華
紅。秦宮舊鏡。掩明月。咸陽日。送雙飛鴻。

彭郎詞

番之湖。兮雲水香。萬頃晴波。淨如掃。相逢漁子
問二姑。大姑不如小姑好。小姑昨夜巧粧束。新
月半痕。玉梳小。彭郎欲娶無良媒。飛向廬山尋
五老。五老頽然不肯起。彭郎怒踢香爐倒。彭郎
彭郎歸去來。陶令門前烟樹曉。

龍王嫁女詞

海中有大小龍。拔水而飛。雷車挾之以
行者。海老謂之龍王嫁女。故賦此辭補
龍姑樂府

小龍啼春。大龍惱海。田雨落成。砂砲天吳。壁山
作海道。鱗車魚馬。紛來到。鳴鞘聲隱。珮鏘瓊瓊
姬玉女。桃花粧。貝宮夫人。算十八。新嫁南山白
石。即西來熊盈。慶春壻。結子蟠桃。不論歲秋。深
寄字湖龍姑。蘭香廟下一雙魚。

古促促辭

張翥

促促何促促丈夫生兒美如玉長城遊蕩不思歸
令我隻身守空屋不願汝學班定遠不願汝學馬
相如定遠生不入玉關相如死不還成都但如塞
翁父子長相保得馬失馬何足道又如龐公携家
隱鹿門遺安遺危俱不論貴而衣貂不如貧而緼
臬離而食肉不如聚而飲水身雖促促心得寬為
汝白頭屋中死

征夫詞

錙祁

頑雲漠漠秋天黑冷雨瀟瀟和雪滴途中騎士
衣裳單半夜嘶枚赴靈壁中州近歲雨雪多只
因戎馬窺黃河將軍錦帳衣千襲馬上揮鞭傳
令急但令飽暖度朝夕一死沙場吾不惜九重
日望凱歌歸安知中路行遠迤願將舞女纏頭
錦添作征人身上衣

征婦詞

青燈熒熒照空壁綺窓月上莎雞泣良人塞上
遠從軍獨妾深閨長太息憶初癡小嫁君時謂

君不晚擁旌麾如何十載尚與隸東屯西戍長
奔馳秋風戎馬臨關路千里持矛關上去公家
事急將令嚴兒女私情那得顧恨妾不為金鞞
鞞在君腰下隨風埃恨妾不為龍泉劍在君手
內飛光燄慕君不得逐君行翠袖斑斕空血染
君不見重瞳鳳駕游九疑蒼梧望斷猶不歸况
今沙場征戰地千人同去幾人回君回不回俱
未見妾心如石那可轉

秋胡妻詞

王餘慶

桑顛日射黃金枝桑間美人白玉肌採桑盈筐
即未歸東風吹淚濕羅衣即未歸在遠道妾尚
少少親已老郎心如藥妾如丹富貴應須到家
早採桑待露晞養蠶圖得絲生男且富貴甘旨
富及時千金却為一笑資倚閭日暮無窮悲願
嫁反哺鳥不忍見秋胡

文瑞圖

揭傒斯

常德之龍陽居多蜀士祠事梓潼君甚
嚴祠前有池曰景星凡蓮花葉並蒂則

居人登第好事者寫以為圖邀余賦此
蓮花。後。蓮。葉。並。蒂。更。連。莖。並。葉。已。不。見。三。花。兩。
花。更。有。情。如。何。與。人。作。嘉。瑞。偏。向。龍。陽。水。底。生。
龍。陽。家。事。梓。潼。君。花。花。葉。葉。梓。潼。神。好。在。龍。陽。
士。汝。但。讀。書。更。續。文。為。花。為。葉。汝。莫。論。

和東坡四時詞

劉詵

燕子輕寒生院落。佳人自卷猩紅幕。樓頭風細
墮楊花。蘆。下。日。長。添。綉。萼。纈。紋。酒。暈。透。瓊。肌。雙。
陸。初。羸。笑。問。誰。閑。縮。同。心。當。力。立。不。知。花。影。滿。

春衣

幕波微皺迴廊未。酒闌手枕珊瑚冷。槐影橫階
午。簟。涼。播。花。滿。地。風。簾。靜。梅。酸。未。試。意。先。顰。倦。
拂。琵琶。撥。未。勻。紈。扇。半。閒。冰。盃。凍。翠。禽。兩。兩。下。
窺人。
瓶。浸。雙。頭。蓮。顆。綠。盡。闌。閑。却。青。奴。竹。微。涼。半。下。
水。晶。簾。坐。看。疎。螢。度。高。屋。夜。靜。樓。風。時。動。荷。隔。
墻。一。葉。落。虛。庭。血。色。鴛。羅。裁。未。就。月。明。處。處。起。
砧聲。

燭暗睡消聞畫角。玉盆脂水紅水薄。深戶無風
綉幄垂。小餅一片梅花落。轆轤隔屋聲。咿啞雲
母香。視暈宿霞。報道卷簾寒霧重。午粧終試翠
鈿花。

宮詞四景

薩都刺

玉溝漲暖綠潺潺。風細時聞響珮環。芳草宮門
金鎖合。柳花簾幕玉鈎閑。夢回綉枕聞黃鳥。困
倚雕闌看白鷗。落盡海棠天不管。脩眉凝恨鎖
春山。

日長縫就縷金衣。高柳風清拂翠絲。閑倚小樓
題畫扇。但聞別院笑彈碁。主家恩愛有時盡。賤
妾心清無限思。又擬晚涼新浴罷。琵琶自撥斷
腸詞。

宮溝水淺不通潮。涼露瑤階濕翠翹。天遠不聞
青玉珮。月明偷弄紫鸞簫。正宮夜短羊車近。別
院秋深鶴駕遙。却把閒情望牛女。銀河烏鵲早
成橋。

悄悄深宮不見人。倚門唯見石麒麟。芙蓉帳冷

愁長夜。翡翠簾垂，隔小春天。遠難通青鳥信，
寒欲動白龍鱗。夜深怕有羊車到，自起籠燈照
雪痕。

宮詞

馬祖常

華清水殿，綉芙蓉，金鴨香銷。寶帳重竹葉羊車
來別院，何人空聽景陽鍾。

銀床井冷，露溥溥，半臂薰衣。釧辟寒，不限長門
冬夜來，小奴休報襪羅單。
長門月轉，漏聲催自熨寒衣。減帶圍休怕官家。

嫵體弱，細腰曾，是楚王妃。

合宮舟泛，濯龍池，端午爭懸百練絲。新賜承恩
脂粉，磴上陽不敢妬蛾眉。

繭館綵絲，濕翠翹，夫人織指。織龍綃，羅襦雙珮。

清晨響，只恐君王有宴朝。

八姨粉翠，錫千縉。脂盃新粧，百寶勻。白髮上陽
宮女老，補衣重拆，綉麒麟。

外酒微微，解宿醒。催花羯鼓，報新聲。君王好錫
承恩宴，辛苦邊頭百將營。

露蘭研粉壽陽粧。奩內新燒百刻香。圓舌教成
鸚鵡語。偷將玉笛送寧王。雙星桐樹逢秋葉。未零萬歲君王
當。寧立妾身不顧命。如萍花氣蒸霞淑。景明望仙樓上。看彈鶯李暮吹笛
宮牆外。學得梨園第幾聲。

又

鄧元宏

淡月輕寒透碧紗。宮屏殘夢曉啼鴉。春風不管
愁深淺。日日開門掃落花。

又

楊維禎

宮詞詩家之大香奩也。不許村學究語
為本朝宮詞者多矣。或拘於用典故。又
或拘於用國語。皆損詩體。天曆間余同
年薩天錫善為宮詞。且索余和什。通和
二十章。今存十二章。

雞人報曉五門開。鹵簿千官泊虎臺。天上駕鸞
先有信。九重鸞駕上都迴。開國遺音樂府傳。白翎飛上十三絃。大金優諫。

關卿在伊尹扶湯進劇編
海內車書混一時奎章御筆寫烏絲朝來中貴
傳宣急南國宮娥拱鳳池
薰風殿閣日初長南貢新來荔子香西邸阿環
方病齒金籠分賜雪衣娘
宮錦裁衣錫聖恩朝來金榜揭天門老娥元是
南州女私喜南人擢殿元
比幸和林幄殿寬鉤麗女侍婕妤官君王自賦
昭君曲勅賜琵琶馬上彈

后土瓊仙屬內家揚州從此絕名花君王題品
容誰並萼綠宮中萼綠華

十二瓊樓浸月華桐花移影上窓紗簾前不插
盃枝竹臥聽金羊引小車

金屋秋深露氣涼宮監久不到西廂丁寧莫竊
寧哥笛鸚鵡無情說短長

露氣夜生鳩鵲樓并梧葉葉已知秋君王只禁
宮中盡不禁流紅出御溝

十三宮女善詞章長立君王玉几傍阿婉有才

還有累宮中鸚鵡啄條桑
蛾眉瓊屢不勝秋長帶芙蓉小苑愁肯為君王
通一咲羽書烽火誤諸侯

春宮詞

薩都刺

深宮盡日垂簾箔別殿何人奏玉笋白面內人
無一事隔苑時聽打毬聲

秋宮詞

清夜宮車出建章紫衣小隊兩三行石闌干外
銀燈過照見芙蓉葉上霜

春宮詞

顧濟

蘭徑香銷玉輦踪梨花不肯負春風綠窓深鎖
無人見自碾朱砂養守宮

古長信秋詞

甘立

缺月流光入綺疏金壺傳箭夢回初秦臺彩鳳
無消息桂影空闌十二除
輦路青苔雨後深銅魚雙鑰畫沉沉詞臣還有
相如在不得當時買賦金

錦瑟詞

趙復

歌珠檀板楚王宮半醉花間拾落紅
鐵馬北來人事改不知隨水定隨風

西湖竹枝詞

楊維禎

竹枝本夜郎之音依聲製辭實起劉朗
州辭若鄙陋而發情止義則有風人騷
子之遺意然則製竹枝者不猶愈於今
樂府製湖中曲者多矣而未有補竹枝
之缺故余補十章更率能言之士繼之
蘇小門前花滿株蘇公堤下水平湖
南官北使

須到此江南西湖天下無

家住西湖新婦磯勸即休唱縷金衣
琵琶本是

韓憑木彈作鴛鴦一處飛

湖口行雲湖日陰湖中斷橋湖水深
行雲無心

似即意斷橋有柱是奴心

勸即休上南高峯勸即休上北高峯
南高峯雲

北高雨風雨相隨惱殺儂

石新婦下水連空飛來峯前山萬重
妾死甘為

石新婦蕭郎或似飛來峯

片言許卽金石剛阿奴不是野鴛鴦為卽歌舞
為卽死不惜真珠成斗量
望卽一朝又一朝信卽信似錢塘潮錢塘潮信
有時失臂上守宮無日消
水仙廟下是儂樓樓前有儂蓮葉舟行人苦道
橫波急不載行人西渡頭
採蓮能歌歌莫愁因學吹笛唱梁州不識黃雲
隴水愁吹作大堤楊柳秋
奴家卽在西塍頭不比春風蘇小愁人道西湖

女淫苦安得有此青陵丘

又

鄭韶

闌鎖六橋春水深鴛鴦鷓鴣蕩人心吳兒生長
自吳語却向船頭學楚吟

壚頭一月春酒香門前楊柳萬條長憑卽醉後
休折斷番待重來繫馬韉

楓篁嶺頭西日暉青龍港口新月微放船過去
還蚤在待奴一道夜歌歸

湖上荷花嬌欲語湖中女兒木蘭舟荷花折得

元詩卷四
五
渾自好只恐荷盤不耐秋
蘇堤寺堤一徑同春花秋月長相逢白面少年
不相識咲擲金錢喚阿儂

又

陶孟愷

江邊雲寒楓葉秋望郎郎上西江頭舟行千里
是郎去水流千里是奴愁
湖邊採蓮逢小姑阿郎捕魚飢渴無勸郎高歌
白苧舞為郎沽酒青玉壺

又

康鼎

南高峯頭雲未開北高峯頭雨頻催為雲為雨
幾時了醉裏相期夢裏來

合歡釵頭雙荔支同心結得能幾時蓮莖有刺
郎解折蓮子有心奴自知

拍湖春水段家橋紫額湘簾碧玉簫橋邊楊柳
為誰苦牽惹風光千萬條

又

張世昌

秦皇石頭三丈高云是秦皇繫船標阿奴心似
繫船石浪打風吹石不搖

元待卷四
奴住西湖日日愁。郎家只在淞江頭。阿誰移得孤山去。長使江湖一處流。

六橋橋上望西湖。望見吳王舊。姑蘇西施不為吳王死。又載扁舟歸越都。

昨夜雨晴溪水深。鷄頭菱角滿湖陰。勸君試剥新蓮子的。的中間有苦心。

又

信道原

湖東日脚欲沒山。湖西月出牙梳彎。南北兩峯船裏看。恰似阿奴雙髻鬟。

東邊高樓紅紫開。西邊青山翠成堆。吳兒蕩槳浪花裏。相賽唱歌船去來。

又

宇文子貞

赤欄橋低官柳斜。粉牆短短阿誰家。女郎恰抱琵琶出。早有小船來賣花。

奴唱吳歌郎扣舷。明朝郎去有誰憐。恨殺吳山遮望眼。不見江頭郎去船。

斷霞洒洒魚尾紅。清唱一聲湖山東。阿奴只在繡簾裏。隔著荷花無路通。

湖裏菱青日日多。蘇小門前無客過。今來古往
只如此。休說當年賈八哥。

湖上交秋風露涼。湖中蓮藕試新嘗。蓮心恰似
妾心苦。卽意爭似藕絲長。

菱花菱葉間水。蒨采蓮入港。與卽逢。勸卽挾彈
休打鴨。鴛鴦飛起杳無踪。

孤山山上野梅開。折花傍水傾金杯。蕊道梅花
天下白。祇似渠奴傅粉腮。

又

吳禮

不愛卽君紫綺裘。不愛卽君珊瑚鈎。求求同生
願同死。化作蓮花長並頭。

又

貢師泰

芙蓉葉底雙鴛鴦。飛來飛去在橫塘。人生多少
不如意。水遠山長難見卽。

葛嶺西邊師相宅。潭潭府第欲連雲。別買樓船
過湖去。可曾看見岳王墳。

又

丁復

上塘楊柳下塘陰。阿卽愛人不愛金塘水。西來

東入海水深不似阿儂深
柳葉如眉枝似腰贈郎輒挽最長條條長即與
儂心遠不是為儂春態嬌

錢塘潮來兩岸平錢塘潮落江月明錢塘女子
新樓閣夜半吹簫鸞鳳鳴

郎愛捕魚儂織蓑勸郎不必要登科一家賣魚
得食少一官懸魚憂患多

竹枝詞

陶孟愷

白鹽山下水流急白帝城邊楓葉稀唱斷竹枝

人不見山頭月落鷓鴣飛

小游仙詞

張翥

清華公子並騎龍直過蓬萊第一峯親見海中
城關好半栽玉樹半芙蓉

五色烟中玉女窓鳳歌鸞舞一雙雙除是飛瓊
方教得紫簫吹徹不成腔

來不分明去不言紅椒花露濕粧痕巫娥已隨
夢魂斷十二碧峯愁暮猿

月圓群芳次第開步前紅露下瑤階樗蒲偶共

真妃博賭得雙頭白燕釵

道人寄我紫邏山時復賣藥來人間石潭薄晚
有龍鬪滿谷濕雲無路還

五嶽真官立帳前露蕪香靄落瓊筵夜深醮罷
各歸去一一馬聲嘶上天

美人臨水咲相邀自解羅巾擲作橋同覓雲間
仙伴侶杏花壇上聽吹簫

月帳新開葢輦過桂花涼露洒天河雙星一夜
叙離別狼籍碧蓮秋露多

又

楊維禎

青旄節衛翠雲鞞按部東行過赤城龍女遺珠
鷄卵大結為雙珮賜方平

若木西來赤岸東白金城闕碧珠宮大家令急
不敢住折得五花歸飯龍

東逾弱水赤流深夜得桃都息羽旌地底日迴
天上出金鷄如鳳自交鳴

金蛾益生瑤水陰錦駝鳥鳴珠樹林上皇敕賜
龍色酒天樂五雲流玉音

麻姑今夜過青丘玉醴催斟白玉舟莫向外人
矜指爪酒酣為我擘空簇
女郎兩兩白玉床對博宛在橘中央青城不賭
熊盈襪閑賭蕭家雙鳳凰
蓮葉舟高河漢垂黃姑玉女會佳期玉清又入
衙城洞莫遣成都賣卜知

道人得道輕骨毛飛度海水能平遭明朝棲至
兩浮島臥看滄洲戲六鰲
青丘書隨雷電亡尚作草木虫魚荒問渠甲子

不能記但指綠睛雙眼方

天上真常宮又成文章只數老玄卿五雲閣吏
亦謫世牛鬼少年專盛名

日落海門吹鳳匏須臾海水沸如炮船頭處女
來聽曲知是洞庭十歲蛟

當時笑我去學仙汝但求金與求田不知昨夜
城頭鶴問汝無人識墓阡

炮烙醉

炮烙復炮烙是不還是不終殺讓人虎不殺美

中囚

放魔詞

母魔急魔子獵人
脉如傷太子奔城
父君王赦奮陽

北郭詞

瓜田不納履北郭
讒招汚履鼎重開
日宮中殺破胡

俠客詞

未許全交死全身
報國仇太阿飛出
匣欲取賈

充頭

劍客詞

丈夫萬人敵拙計
晒荆軻昨夜西征
去生擒李左車

三閣詞

江南龍虎氣樓閣
照金銀望見長安
道不知塵汚人

摘瓜詞

黃臺八瓜熟瓜熟
徒綿綿惟有大瓜
好瓜來瓜

已穿

食桃詞

二桃陷忠勇晏子設危謀半桃陷姑息彌子復誰尤

綠珠詞

井底生明月樓前墜寶星年年金谷草春入羨人青

楊柳詞

楊柳董家橋鶯黃幾萬條行人莫到此春色易

相撩

長條一丈長長似紫絲韁長條挽易斷五馬過

橫塘

擬雪詞

小姑善擬雪擬雪廣寒高剪落孀娥髮紛飛玉兔毛

繫馬詞

誰繫西枝馬馬嘶花亂飛花飛猶自可莫遣折花枝

去妾詞

萬里戎裝去琵琶上錦鞵傳來馬上曲猶唱想夫憐

元詩體要卷之四

元詩體要卷之五

姚

江宋

公傳

編選

歌體

猗迂抑揚永言謂之歌有高下之節

誦之

使人興起若君臣之賡歌五子

接輿滄浪之歌見於經傳非擊壤卿雲之

比讀者不可以不察觀所取者尤見古今

之不同也

西山歌

李存

西山有廬以我逶迤東田有稌以我瘵飢春之日宜桑為父母裳冬之日宜酒為父母壽

范增撞玉斗歌

陳泰

鴻門醉兮幙張黑雲壓兮芒碭臣令莊兮起舞伯何為兮誤莊重瞳兮日光高準兮龍章風塵湏洞兮誰虜誰王我所惜兮謂王之玦臣事不濟兮心與斗裂嗚呼爾為漢蔽兮為忠臣千秋萬歲兮爾楚無人

虞美人夜泣歌

星燐燐兮隕空淚灑灑兮帳中妾生誤王兮妾死無從天若祚項兮天迴楚風王乘騅兮為龍妾埋骨兮江東

東山棹歌

堯齋董先生

陳季

東山之水兮其流湯湯秋風起兮白蘋飄香有美人兮芙蓉裳葦荷屋兮疏以杜衡雲依依兮時在旁昔與雲出兮霖八荒今與雲歸兮一竿滄浪睇乾坤兮淡無光寧綠蓑兮遺金章嗚呼安得從之兮徜徉

東山之水兮飛白漚白漚飄飄兮天光不流有
美一人兮蓮葉舟舟之來兮風颺颺舟之去兮
荻花滿洲藐將驂兮飛虬紫虹竿兮北斗為鈎
引六鰲兮歸墟之丘烏乎安得從之兮遨遊

飛蓬亭歌

江南澤國多烟水年少輕身作遊子
迩來衰老畏奔馳忽作飛蓬平地起
飛蓬主人人中仙曾乘十斛凌風船
船頭畫鼓催行酒船尾紅粧歌采蓮
收篙卷綸今尚樂却悔從前風浪惡
青雲

裘褐一漚身白髮山林五湖客
我來花霧紅霏霏此蓬如山何處飛
但當共坐索醪酌溪堂過雨春魚肥
君不見鷓鴣夷名成滄海去富貴畏人
如脫兔又不見羊裘釣客桐江上一
出張皇動天象何如主人飛蓬亭上
飲醒與客吟酣即寢寢酣忽作江南
夢風雨漂搖蓬不動

弔故宮

杜瑛

月上觚稜椒壁濕飢烏啄碎琅玕石
劫灰飛盡海暘塵廢殿荒臺土花碧
洛陽書生汴梁客一

夜春風頭欲白尊中賴有酒如泉醉倚寒窓破
愁寂

岳王墓

韓中村

妖星墮地芒角赤龍劍悲吼風蕭瑟中原王氣
挽不回將軍一死鴻毛擲秦家小兒真戲劇播
弄造化搖樞極指讐為親忠為逆隻手上遮天
眼力九關茫茫隔天日無由下燭臣愚直臣愚
萬死不足惜國耻未湔猶情激古墳埋冤血空
碧風雨年年土花蝕我恐精忠埋不得白日英

天○石○ 奄○土○中○泣○請○將○豪○骨○鮮○出○荒○苔○痕○獻○作○吾○皇○補

蘇小小

辛文房

東流水底西飛魚嘶得錢塘紋錦書幾回錯認
青駝馬著處聞乘油壁車鸚鵡杯殘春樹暗雨
菑衾今夜窓虛蓮子種成南北岸苦心相望欲
何如

幼輿折齒歌

羅澗谷

秋衫未成錦機語棠梨半花鳳一羽象床雪綜

小龍梭細冗銀光吐冰縷西隣卽君東海歸芙蓉半白杏兩肥十二闌邊說幽怨勸織南浦鴛鴦飛含蘭匿蕙無消息春醒彤霞漾玉色小龍呵出風雨聲奔騰觸裂雙白石白石國城三十六女子軍來兩城覆鸞歌猿嘯強激昂百戶風來如箭鏃章臺公子真豪縱復以微言相感動卽君切莫更癡心忍作甘心可人痛

莫愁歌

周竹坡

蓮花深紅蓮葉綠平沙月上鷺鴦宿青腰三板

蘭作撓月下莫愁歌一曲移舟入花花轉深花深調苦難為音江邊夜半誰為語只有嬋娟知此心露花漸白月漸午刺舟自覓來時路明朝繫纜柳邊門却在夜來潮落處

夢兩雜

楊奚斯

阿英十二能辟纪阿牛五歲貪讀書辟纪成縷無人織讀書有志令人惜汝父飄零汝母休吾親雖健俱白頭雨聲斷道風驚屋阿婆獨抱諸孫哭

吹簫歌贈金精山人陳天佑 吳漢儀

金精之山何名堯夜深明月涼蕭蕭中有可人
好絲竹抱明月兮吹洞簫簫聲嗚嗚響空碧潛
蛟起舞山魑泣含宮嚼羽妙入神月落參橫朔
風急曲中却憶秦樓女秦樓縹緲知何許鳴鳳
雙飛竟不還至今遺事傳千古君番吳中猶未
發我亦知君調殊絕明朝却賦歸去來吹簫還
弄金精月

古劍歌為吳真人作

楊載

閒閒真人藏古劍敬之如神不敢忽賓客來時
求一觀輒有悲風起倉卒人言此是金鉄精良
工煅煉久始成動搖天地合變化摩蕩日月含
光晶昔年有蛟起江中口吐烈焰燒長空下民
流溺上帝怒雷電往擊皆無功常帶此劍斬蛟
首流血滔滔浸廬阜傳記傳聞時既久不意世
間今尚有吾過下里多惡氛魍魎魅能食人
請君為我絕此怪一洗宇宙長清新

月氏王頭飲器歌和貫學士韻 祝蕃

單于寶刀寒映雪。月底觸髀飲冤血。泥丸真人
辭絳宮。麴生時能醉其骨。闕氏夜帳葡萄香。拍
拍春霞灑。滌秋月。賢王起舞谷蠡歌。傳飲懽呼兩
耳熱。燈前人影半闌殘。燈後青燐已明滅。持盃
本為澆嶙峋。胡為對此傷精魂。弓蛇猶能致惑
疾。智瑤豈是無人心。頭顱如許當速朽。生擒誤
入仇家手。忍將鳴鏑射頭曼。吁嗟降王亦何有。
後來漢使浩水東。猶待留犁澆盟酒。

南北風歌

南船順水還。順風高帆疾。過如飛鴻。北船逆風
還。逆水百丈牽。江纜數里。南船揮手謝。北船不
須腸斷。南風前自綠。行色有南北。未必天心偏。
順逆明日。南風換北風。北船却與南船同。

木綿歌

熊磧谷

秋陽收盡枝頭露。烘綻青囊翻白絮。田婦携筐
採得歸。渾家指作機中布。大兒來覓橘。小兒來
覓袴。半擬償私債。半擬輸官府。竹籠旋着活火
熏。蠹虫母子走紛紛。尺鐵碾出瑤空雪。一弓彈

破秋江雲中虛外泛槎成索晝夜踏車聲落落
車聲纒冷催上機知作誰人身上衣小女背面
臨風泣憶曾隨母園中拾

蘇武李陵泣別圖

歐陽伯恭

祈連山前箭如雨渤海岸邊羝不乳同是肝腸
十九年白髮君歸朝故主臣心有血一斗許亦
欲隨君歸釁鼓五千健兒五千母臣若獨歸魂
魄苦空捫老淚寄君歸歸洒茂陵墳上土

天馬歌

天子仁聖萬國歸天馬來自西海西玄雲披身
玉兩蹄高餘六尺脩倍之七度海洋身若飛海
左海右雷霆隨天子曉御慈仁殿天風忽來天
馬見龍首鳳臆目如電不用漢兵三十萬有德
有歸四海羨天馬來庶政平天子仁聖萬國清
臣願作歌萬國聽

又

宋無

天馬天上龍駒生天漢間兩目夾明月蹄削崑
崙山秣元氣飲沆瀣天步超人寰天公玉帝老

不騎飢食虎豹出九關。滅滅沉沉流。羣姿歛承
紫霞顏。黃道三十六萬里。日馳周天去。復還時
乎降精渥。注中龍性變化終難攀。天馬來瑞何
朝化為龍。應童謠。騶虞仁獸耻在垆。龍亦絕迹
歸赤霄。風沙豈無大宛種。雖有八極安得超。天
馬來雲霧開天。旃騶哀鳴龍媒。龍媒不鳴鳴鴛
駘。

奉和效古意醉歌

范梈

憶昔初年三四齡。當客唯對聲泠泠。夜誦漢賦

一千字。朝來千字仍心冥。自許英年逼華蓋。豈
信流光不相待。祇今四十少二年。坐合立志足
悲慨。我當贈君金縷羅。君當贈我黃鵠歌。吳南
水遠春似畫。欲行未行可柰何。莫使風雷寄鴻
鈇。莫嘆羊裘墮。烟雪人生萬事如。春花瑤花雖
晚君莫折。

過嘉興

薩都刺

三山雲海幾千里。十幅蒲帆掛秋水。吳中過客
不思家。江南畫船如屋裏。蘆芽短短穿碧沙。船

頭。鯉魚吹浪花。吳姬蕩槳入城去。細雨小寒生。
碧紗我歌水調無人續。江上月涼吹紫竹。春風。
一曲鷓鴣詞。花落鶯啼滿城綠。

過采石

聶古栢

采石江頭秋月白。蛾眉亭下灘聲咽。繡衣玉斧。
曉霜寒。同是天涯苦行客。酒仙一去海生塵。青。
山三天堙衣巾。清江白鳥自今古。岸草汀花空。
復春我欲御風遊。八表醉裏豪情覓三島。閭閻。
雲深不可攀。回首江南數峯小。

虞美人歌

楊維禎

拔山將軍氣如虎。神離如龍踏天下。將軍戰敗。
歌楚歌。美人一死能自許。愴怛伏劍。荅危主不。
同野雉隨仇虜。江邊碧血吹青雨。化作春芳悲。
漢土

平原君斬美人歌

平原君起朱樓。美人盈盈樓上頭。槃跚跛者彼。
何足美人一咲。槃跚愁門下士。引去不可留。美。
人高價千金。直千金不惜美人頭。君不見帷中。

女兒觀跛者一咲五國生戈矛

送日本僧太歲歸國歌

山為城海為池秦童子國東海垂有元一統薄
海外其王歲貢來珍奇太歲子雪頰眉七條掛
在扶桑枝跨海來從震旦國之師取經徑往西
天西神柝蹋浪浪花白浪花作雨青天低城頭
鼓響城下馬嘶花袍國王接幢蓋人從大唐國
裏歸

嶧山

鮮于樞

東方臣鎮宗岱宗群山列侍臣妾同西南崛起
一萬仞却立不屈如爭雄何年大星下天宮墜
地化作青芙蓉外如刻削中空洞闔風玄圍遙
相通我昔東遊訪青童群仙招我遊中峯悔不
絕粒巢雲松失身誤落塵網中如今可望不可
到艤舟空羨冥飛鴻神仙可學事亦晚安用骨
骨悲秋逢吾聞嶧陽有孤桐鳳凰鳴處朝陽紅
安得斷為寶琴獻天子為民解慍歌南風

谿山風雨圖

李孝光

元氣巋巋生蛟龍銀河倒插青芙蓉九疑正在
九州外碧樹悄悄連丹楓上有萬古不死之明
月下有人秋天巨良之長江有客有客陸龜蒙往
來江南成老翁天地無窮屢迴首放船去踏江
上峯船頭十日懸青雨風披銀河映東戶山隨
沒鶻落中原水作巴蛇走全楚向來英雄定黃
土空遺綉素留今古天地一合如金甌萬歲千
秋奉明主

山中苦寒歌

李坦之

深山苦寒弗可居門前積雪三尺餘陰崖一夜
石脫骨寒溜萬瓦冰垂頃道人凍臥山之麓暮
熱松明煮溪綠山陰孤掉期不來夢入幽屋聞
折竹征西將軍持短兵馳馬夜渡黃河水關東
諸將面欲裂嚴光獨釣桐江側

女兒浦歌

揭傒斯

女兒浦前湖水流女兒浦口過湖舟湖中日日
多風浪湖邊人人還白頭
大孤山前女兒灣大孤山下浪如山山前日日

風和兩山下舟船自往還

權歌

傅若金

河中日日水悠悠誰道人心似水流河水灣迴
有時直人心屈曲幾時休

去年船裏逢端午今年船裏又端陽九節菖蒲
本仙藥如何曲曲似愁腸

小娘歌

元好問

吳兒沿路唱歌行十十五五和歌聲唱得小娘
相見曲不解離鄉去國情

南來遊騎日紛紛斷岸長堤是陣雲萬落千村
藉不得城池留得護官軍
山無穴洞水無船單騎驅人動數千直使今年
留得在更教何處過來年

青山高處望南州漫漫江水遶城流願得此身
隨水去直到海底不回頭

鴈鴈相送過河來人歌人哭鴈聲哀鴈到秋來
却南去南人北度幾時迴
風沙昨日又今朝端碎了頭路更遙不似南橋

騎馬日生紅四尺繫即腰
竹溪梅塢淨無塵二月江南烟雨春傷心此日
河橋路千里荆榛不見人
太平婚嫁不離鄉楚楚兒郎小小娘三百年來
涵養出却將沙漠換牛羊
飢鳥坐守草間人青布猶存舊領巾六月南風
一萬里若為白骨便成塵
黃河千里扼兵衝虞虢分明在眼中為向荆湖
諸將道且休誇說蔡州功

行體

步驟馳騁有如行書謂之行宜痛快詳盡
若行雲流水也考之樂府有怨歌行長短
歌行之類唐人效之者多要必辨之而識
其體是編不為聲律之所拘若孤雌行烈
婦行劉平妻巴陵女感發奮厲有古貞烈
之風不可以不取其餘亦可尚矣

早朝行

王士熙

石頭啼鳥翻曙光
千門萬戶開未央丞相珂馬

沙堤長奏章催喚京曹即燕山駟騎朝來到兩
澤十分九州報輦金馱帛分遠行龍沙士飽無
鼓聲閣中龍床琢白玉瑟瑟圍屏海波綠曲闌
五月櫻桃紅燻琴日日彈薰風

春曉行

張嗣行

夢魂短短春宵殘喑喑鷄語催征鞍東方彷彿
淡烟曉柳露細拂征衫寒僮僕前行指予路那
箇長亭經共處離情莽莽不分明黯淡孤村半
烟樹

春日行

林霽山

柳花哀雪春冥冥溪風一夜吹為萍萍隨風去
渺流水人生無根亦如此故山入夢草芊芊半
窓疎雨寒食天曉來白髮稀可數多少朱顏化
黃土高原冉冉青烟斜麥飯洒松能幾家子規
叫殘金粟墓蘭紙蘭亭亦飛去

又

李坦之

東風入樹吹流鶯曉窓
花冥冥美人窓間
動曉思鶯聲枕上
是春情座中日出花滿城城

南春深楊柳青王孫不歸消息斷深閨無人春
草生草生猶有時王孫何日歸斜陽照流水萬
里長相思東園三月花爛開西隣胡蝶雙飛來
明年蝶去春無主閉門花落愁如雨

春風行

陳孚

子規催春春欲去海棠片片飄紅雨幽人豈無
兒女情懶聽畫樓鶯燕語東風吹到古渡頭淡
烟渺渺橫孤舟孤舟撐入菰蒲裏日落未落波
悠悠遠峯幾點青未了前浦冥冥沒白鳥獨倚
短篷聽漁歌不知人世居

清明日

唐玉潛

萬花正開風雨惡曉起新晴花正落老夫未起
失芳期賞心但覺隨年薄今年花落明年開去
年看花人不來死生榮悴俱可哀綠陰滿地成
蒼苔

暮春會同年作

黃清老

青山林下啼斑鳩綠楊門前嘶紫騮落花成陣
作春雨東風淡淡雲悠悠美人捲簾日在手蝴

蝶飛上珊瑚鈎南溪不見筍成竹擬約滄波同
倚樓

川鳧浴日金粼粼垂楊馬嘶三月春遊蜂舞蝶
搃愛客飛絮落花時近人東風吹水入銀甕芳
草為我鋪綠茵更催朝露染魏紫舞袖一拂南
山塵

吊古行

于介翁

○ 蒼梧之南湘水頭烟波逐客增離憂重瞳孤墳
閔白日雙娥貞佩搖清秋江空夜聞鬼對泣泣
罷仍為鼓瑤瑟瑟聲漸杳江聲長丹楓墮影天
霜白臨江披髮招帝魂拔劍欲斷東流奔東流
無窮帝不返烏乎薄俗無由敦

望夫磯

劉時中

望夫山頭日欲頽望夫山下江聲哀山頭日日
風雨惡江頭不見行人回空下亭亭幾朝暮猶
記行人去時路知君渡河長不歸恨不當年逐
君去此身化石千仞磯石猶可轉心不移長江
水涸黃埃飛行人應有歸來期

金谷行

楊奐

洛陽園池天下無。金谷近在西城隅。晉時花草
不復見。野人猶解談齊奴。齊奴豪奢誰比數。酒
酣愛擊珊瑚株。後堂春風滿桃李。中有一枝名
綠珠。千金買步障。百金買甌觥。時時吹笛替卽
語。雲窓霧戶長歡娛。層階欲下湏人扶。豈料
能捐軀。紅飛玉碎頃刻裏。空使行客悲躊躇。
樓頭小婦感恩死。君臣大義當何如。

居庸行

昔我望居庸。南今我出居庸。北岩巒爭吞吐。風
清水且激。逶迤數十里。曲折殊未息。關門兩向
當天開。馬如流水車如雷。荒鷄一聲關吏起。列
宿慘澹雲徘徊。山盤盤石圍圍。山如龍石如虎。
龍怒欲騰虎欲舞。太行餘勢猶如許。昔不容單
車。今馬列什伍。聖人有道關門開。關門開千萬
古。

孤雌行為鄆城節婦作

有鳥有鳥雌雄相追。哺雛未飽鳴且飛。雛未長

雄乃死子亦隨朝朝暮暮唯孤雌長林廣野風
日美步步不敢離故棲燕雀搖蕩差復池迴身
伺腦透相欺誰憐孤雌心到死終不移更有許
州鄆城徐氏母一生抱恨守空闈

烈婦行

趙孟頫

至元七年濱州軍事劉平之戍棗陽與
其妻胡俱道宿車下平為虎所得起追
及之殺虎脫其夫吾聞之中原賢士大
夫如此乃為感激慷慨作烈婦行以歌

之

客車何焯焯夫輓婦為推問君將安去言徃東
陽戍官事有程宿車下夜半可憐逢猛虎夫命
縣虎口婦怒髮指天十步之內血相濺夫難再
得虎可前寧與虎死毋與虎生呼兒取刃力與
爭虎死夫活心始平男兒節義有如此萬歲千
秋可以事明主馮婦下在安足數烏乎猛虎逢
尚可寧成寧成柰何汝

○ 劉平妻殺虎行

楊維禎

劉平妻胡氏從軍戍棗陽平為虎擒胡
殺虎爭夫千載義烈有足歌者猶恨時
之士大夫其作未雄故為賦是章
夫從君妻從主。夢寃猶痛。刀箭癢。况乃全軀。飼
豺虎。拔劍誓天天為怒。眼中於菟小如鼠。百年
虎鬼寃寃語。精光夜貫新阡土。可憐三世不獲
仇。泰山之婦何足數。

巴陵女子行

郝經

己未秋九月王師渡江大帥拔都自鄂

渚以一軍覘土流遂圍岳岳潰入於洞
庭俘其遺民以歸女子誓不辱于兵書
詩衣帛見意赴江而死余悲其志作巴

巴陵女子行

北來諸軍飛渡江突騎一夜滿岳陽樓頭火起
人間巷曹伍偶走如牛羊巴陵女子尚書婦生
平不識門前路亂兵驅出勢滄黃夫婿翁姑在
何處吞身掩淚行且啼啼痕沾濕越羅衣此生
忍使人再辱裂帛暗寫臨終詩詩言社稷安危

事下說投江誓天志一回宛轉一悲辛心抑翫
飛不成字詩成淚盡赴江流蛾眉蕭颯天為愁
芙蓉零落入秋水玉骨直葬青海頭古來烈婦
總一二誰似巴陵更文理名與長江萬古流丞
相魏公還不死

白楊行

吳志淳

真定劉生客死閩中同行者為歸其骨
其妻胡氏自圖夫容以祀因哭而絕鄰
人憐之遂合葬鍾陵東門故又號口鍾

鍾陵行

鍾陵東門白楊樹行人指點是雙墓墓中夫婦
俱少年一雙白璧埋黃泉黃泉相逢語嗚咽一
一從前向即說前年即去客三山今年即歸白
骨還當時自畫蛾眉樣今日却寫即容顏容顏
轉似心轉切叫即不應心斷絕生時不得逐即
行死時却與即同穴丹青遺像番人間年年淡
竹寒生斑當年曾過延平渡還見雙龍化劍灣
堂前既無父與母堂下又無兒與女使妾有子

堂有姑舟心一寸那能枯六朝盛事付流水忠
義幾人能到底秋風月冷鳳凰來與即同上吹
簫臺

飛花行贈馬衢州

戴帥初

山上風花山下飛花飛欲盡山翁歸歸遲亦自
忘行跡但覺滿地紅依依餘花更惜隨溪去溪
上遊人山下路戀家漁父斷來踪避難劉郎記
前度花開花落春風前我昔與翁同少年祇今
鶴去但華表何處鳥啼悲杜鵑遊人自遊春自

暮從翁問花花不語且當向花日日醉醉倒花
前學花舞

落花行

吳師道

東風吹花花作團美人脉脉憑闌干倦投紅筵
逐舞鳳故尋翠袖索釵鸞去年送別城南道城
南飛花委芳草關河萬里人未歸風雨一番春
又老抱愁無語還深閨拂釵攬袖香依依綠陰
瑣窓蝶影斷空枝吊月鶻聲悲青春不復悲遊
子不顧期美人掩淚長相思恨身不似花能飛

花飛終恨沾塵泥安得與花飛去陽關西
大信晚泊呈舟中諸公
揭奚斯
千家楊柳江當門東梁西梁兩岸躡連檣大艦
集日昏擬金伐鼓海上聞小江更出來石後前
人立功後人守大信花來石酒陌上相逢莫回
首

武昌舟中觸目

兩鬢背立鳴雙櫓短棹開滄江雨青山如龍
入雲去白髮何人並沙語船頭放歌船尾和蓬
上雨鳴蓬下坐推蓬不省是何鄉
鷗過

送兄孟脩還江西

虞集

老兄五月來作客八年不見頭捻白五人兄弟
四人在忽憶中郎淡沾臆我家蜀西忠孝門無
田無宅惟書存兄雖管庫實父蔭弟竊餘澤承
君恩文章不如孟氏好叔氏最少今亦老五郎
十歲未知學嗟我胡為長遠道諸兒讀書俱不
多又不力耕將柰何憂來每得二三友看花把

酒臨風哦蜀山嵯峨歸未得盤盤先隴臨川側
碧梧翠竹手所移應與青松各千尺南風吹雪
河始冰元歸烏帽何裝裝明年乞身向天子共
讀父書歌太平

紉扇行

李洞

誰家玉貌蒙清霏手揮紉扇臨東池瀟湘搖波
月弄影碧波疑見湘江妃淚痕竹上猶未滅一
尺冰紉萬愁結風吹翠袖卷寒烟汗入紅肌凝
素雪深閨無人涼氣早輕薄恩情易衰老昔隨
蝴蝶上春衣今逐流螢向秋草不見班姬染翰
時空遺漢宮題扇詩千年怨墨已零落一天霜
露沾人衣

美人行

劉因

美人娟娟秋水隔烟霧深沉蒙玉質日逐晴波
去不歸遇山只有行雲碧碧雲日暮心悠哉窓
前一夜梅花開平生自信心如鐵一寸相思一
寸灰

白鴈行

北風初起易水寒北風再起吹江干北風三吹
白鴈來寒氣直薄朱崖山乾坤噫氣三百年一
風掃地無畱殘萬里江湖想瀟灑佇看春水鴈
來還

北風行

張翥

長河風急波浪惡青天晝黃塵漠漠瓠蘆渡中
舟盡泊官船捨帆與水爭牽馬毛寒搥不行禿
樹掛憂緒蓬鷺夜深風定浪聲死窓光倒搖天
在水前伴相呼隨鴈起帽絮不煖衣生稜老質
獨語愁河水上聞下聞應慶凌篙師墜直失增
減明星欲明霜似糝館陶城南鼓統絕

發古城鋪

黃蒿古城風捲沙澗頭衰樹啼寒鴉歲云暮矣
霜露積夜何如其星漢斜滿衣落月行人起馬
上夢魂猶在家

遊吳山駝峯紫陽洞

薩都刺

天風吹我登駝峯大山小山石玲瓏赤霞日射
紫瑪瑙白露夜滴青芙蓉飄飄雲氣穿石屋石

土涼風吹紫竹掛冠何日賦歸來掃石篝燈洞
中宿

商德符學士桃源清曉圖

趙孟頫

宿雲初散青山濕落紅繽紛溪水急桃花源裏
得春多洞口青烟搖綠蘿綠蘿搖烟掛絕壁飛
流直下三千尺瑤草離離滿澗阿長松落落凌
空碧鷄鳴犬吠自成村居人至老不相識瀛洲
仙客知仙路點染丹青寄輕素何處有山如此
圖移家欲向山中住

花鳥圖

揭傒斯

吳中女兒顏色好洗面看花花為悄調朱弄粉
不自施寫作窓間雪衣鳥綠窓沉沉春晝遲半
生心事花鳥知花殘鳥去人不歸細雨梅酸愁
畫眉

山水圖

貢師泰

前山後山雪亂起山脚入溪清見底溪南更有
山外山散如浮塵聚如米老楓枯櫟葉紛紛下
有人家深閉門釣絲欲收風浪急却回雙艇來

籬根老翁曳杖行，偃僂一童負。樵一童，斧筆端。
意度盡神妙，卷裏衣冠自淳古。商周寂寞經幾
秦後，赤莘渭寧無人。茫茫耕釣去不已，武陵竟
隔桃花春。

伊尹耕莘圖

碧海晝沸白日淪，禹鼎欲徙湯網人。長繩短筭
行蹙躄，驅牛獨耕莘。野雪有時仰面一長吁，青
天漫漫風烈烈，身居畎畝堯舜心。忍看民生墮
昏沉，乾坤闔闢係出處。幡然起作商家霖，先農

有詩亦有譜，後世南陽詠梁甫。

蘇黃子昂墨竹

虞集

吳興畫竹不欲工，腕指所至生秋風。古來篆籀
法已絕，唯有木葉雕。蚕虫黃金錯刀六屈鐵，太
陰作雨山石裂。蛟龍起陸真宰愁，雲暗蒼梧泣
湘血。吳興之竹乃非竹，吳興昔年面如玉。波濤
浩蕩江海空，落月年年點秋屋。

京城燕

迺賢

三月京城寒悄悄，燕子初來怯清曉。河堤柳弱

冰未消墻角杏花紅萼小主家簾幕重重垂
柳却傍簷間飛托巢未穩井梧墜翩翩又向天
南歸若不見舊時王謝多樓閣青瑣無塵捲珠
箔海棠花外春雨晴芙蓉葉上秋霜薄

新月行

江南小兒不識愁新月指作白玉鈎家人見月
更惟喜捲簾喚我登高樓三年番滯京華裏
袞袞黃塵馬首起一番見月一番愁歸心夜逐東
流水在家不厭賤與貧出門滿眼多故人誰念

天涯遠遊客只有新月能相親

門有車馬客行

張翥

坐秋雨思秋風仰眎白日雲中被羨一人誰容
秉心鬱其忡忡

為客一鼓云何慷慨起舞悲歌巨魚出聽浪波
鳴鳥徘徊庭柯

有客有客在門崔嵬其蓋華軒起欲與之語言
已叱僕夫回轅

寧不抄忽須臾謂我老不容車北里豪家是趨

堂上有箏有琴

盛衰相尋無端煤勞思絕則然還坐自樂我聞

勿謂無知絕絃

其具耕田致賦

其具耕田致賦

其具耕田致賦

其具耕田致賦

其具耕田致賦

元詩體要卷之五

元詩體要卷之六

姚江宋公傳編選

操體

操者操也君子操守有常雖阨窮猶不失其操也若南風思親拘幽倚蘭等操皆稱聖人之詞未敢以為深信後之作者蓋擬之

思魯操

虞集

龜山之陰陰兮有雲垂天河目而海口兮將見

首人望之彌尊兮，即之彌親。大音寥寥兮，中信而真。

憫麟操

梁國

道之將行，維麟道之將廢。維麟謂爾非麟，孰得其真。謂爾其麟，胡為生也。不辰嘯歌傷懷，我思古人。

東山操

東之山兮，高峩峩朝上雲氣兮。莫雨滂沱，軍士告哀兮。歲月蹉跎，盡瘁事國兮。我心靡他，人亦

有言兮。三叔流言，我實不德兮。其又誰讐君王聖明兮。無念我祖宗社固安兮。孰敢予侮。

舜劍操漁父伍員圖

傅若金

江有阻兮，路有岐。時將迫兮，來何遲。子弗渡兮，我心悲。既渡子兮，我何以劍為。吁嗟行兮，無我疑。

精衛操

按述異記：炎帝女溺死東海，化為精衛，日銜西山木石以填東海，恣溺死也。

水在海石在山海水不縮石不刊銜石向海安
口血離離海同乾

石婦操

石婦即望夫石也在處有之補入琴操
悲其志與精衛同不必問其主名也

山夫折山華山頭朝石婦行人幾時歸東海山
頭有時聚行人歸啼石柱石婦岑岑化黃土

漢水操

即被襖曲也王子年拾遺記曰周昭王

溺於漢水二女延娟延娛後王夾擁王
身同沒焉故江漢人至上巳日襖集祠
間以為風俗

湘水離離徒以斑我衣漢水潄潄可以襖我衣
翩然凌波夾龍飛隨龍雲雨隨龍歸彼望疑兮
疑是非

前旌操

衛後母子壽母欲殺前母子伋而立壽
使伋乘舟於河將沉而殺之壽知之與

伐同舟不得沉又使伐之齊令盜見載
旌者殺之壽又竊旌前行盜見殺之伐
載壽屍還亦死

尔乘舟兮河水濁且深我同舟兮誓與尔同沉
毋有命兮諫不我聽示旌以盜兮我先以旌衛
有國兮國在兄殺兄及我兮我不知無生

履霜操

本詞曰考不明其心兮言諛言何辜皇
天兮遭斯愆痛沒不同兮恩有偏誰說
碩兮知此寃使是舜果出伯奇則伯奇
不得希於舜矣退之舜亦未至今為補
之曰

霜鮮鮮兮草芟芟見有罪兮况宿野田衣荷之
葉兮葉易穿採椹花以食兮食不下咽天吾父
兮天胡有偏我不父順兮父寧不况憐履晨霜
兮泣吾天

殘形操

退之作殘形操末語曰臣咸上天譏者

其誰余以其舜尚欠歸宿不如拘幽將
歸二操語可詠也遂為補之曰

我寧有獸兮其獸曰貍貍有怪兮身首異而告
我以凶兮戒而戒而我丘有首兮誓死完以歸

箕山操

堯讓天下於巢父巢父曰君之牧天下
猶予之牧犢吾無用天下為莊子有樊
仲父牽牛飲水見巢父洗耳驅牛而還
耻令牛飲其下流也

箕之山兮可耕而樵叶因箕之水兮可飲而游
牽牛何來兮飲吾上流彼以天下讓兮我以之
逃叶投世豈無堯兮應堯之求吾與堯友兮不
與堯憂

箕山操和鍊雅先生首唱

李孝光

箕山之陽兮其木樛樛箕之塚兮白雲幽幽彼
世之人兮孰能遺我以憂雖欲從我兮其路無
由朝有人兮來飲其牛

采流民操

張養浩

哀哉流民為鬼非鬼為人非人哀哉流民男子
無緼袍婦女無完裙哀哉流民剝樹食其皮掘
草食其根哀哉流民晝行絕烟火夜宿依星辰
哀哉流民父不予厥子子不親厥親哀哉流民
言辭不忍聽號哭不忍聞哀哉流民朝不敢保
夕暮不敢保晨哀哉流民死者已滿路生者鬼
與鄰哀哉流民一女易斗粟一兒錢數文哀哉
流民甚至不得將割愛妻路塵哀哉流民何時
天雨粟使女俱生存哀哉流民

曲體

聲音雜比高下長短謂之曲委曲以盡其
意若鼓吹曲橫吹曲皆樂府題辭今隨題
立體音聲未暇論也林鎮江南李孝光天
趨采蓮有魏晉風格徐史元彭杜趙錫藩
何異唐音學者知之可以興起

江南曲

林鎮

高高碧雲樓。粲粲珊瑚鉤。娟娟一美人。炯炯明
雙眸。妾居湘江尾。君居湘江頭。好風吹桃花。同

向湘江流

又

史紫薇

風淒露冷江南岸。瑟瑟寒波秋練練。采蓮歌斷
紅雲空蘋葉。蘆花結新怨。鴛鴦鷓鴣俱可憐。相
呼相倚沙背眠。白頭漁父搖蒼烟。一雙飛上枯
樹巔。

又

徐廷玉

江南女兒好梳洗。新粧照見秋江水。風裾浪袂
木蘭舟。爭採芙蓉綠霞裏。東船兩兩青黛蛾。西

船兩兩藍鞦韆。含情不唱採蓮曲。齊唱吳王陌
上花。船頭日落紅生霧。相喚相呼出江去。驚起
鴛鴦不見人。波上風來聞細語。

采蓮曲

李孝光

采蓮復采蓮。蓮生隔江水。不愁無舟楫。但愁波
浪起。采蓮復采蓮。水深不得歸。兒飢頭母哺。言
令阿誰飴。

采蓮曲送王伯循

采蓮江之南。采蓮江之北。采蓮何所。月但來蓮

中意早聞別離苦當爾不願後前作相識
別離不復相憶

采蓮曲

劉特中

長安女兒淑且濃日日来蓮溪水中咲
插荷花照溪水韶容欲與花爭紅
溪中荷花深幾許溪上時時聞咲語
紅酣綠樽不見人應在荷花更深處
歸時夜涼溪水清扣舷踏歌蕩槳行
荷葉蓋頭花盪鬢溪上月明朝已平

楊花曲

薩都刺

燕京女兒十六七額如花紅眼如漆
蘭香滿路馬如飛窄袖短鞭嬌滴滴
春風蕩漾搖春心錦箏銀燭高堂深
綉衾不暖錦鴛鴦夢紫簾紅霧天
沉沉芳年誰惜去如水春困着人倦
梳洗夜來小雨濕天階滿院楊花飛不起

蘭皋曲

溪水長幽蘭芳春溪露滴蘭花光
美人一日來蘭去風吹露濕芙蓉裳
芙蓉作裳蘭結佩玉立亭亭臨水際
天寒袖薄人不知踈雨蘭若鳴翡翠

翠幽蘭日日吹古香美人不來溪水長

蓋珠曲

芙蓉城裏白玉樓。水簾倒掛珊瑚鉤。美人宴坐
太清室。蛾眉不鎖人間愁。彩橋東畔楊花轉。飛
入三天紫清殿。仙裳日暖藕絲香。燕語鶯啼動
幽怨。天風冷冷吹珮環。霞冠不整偏雲鬢。蕭郎
風骨何可得。紫簫赤鳳遊雲間。瑤壇午夜霜華
重。羅襪生寒紅一寸。錦屏甲帳蓋珠新。雲房火
鼎丹砂嫩。天宮仙子淡淡粧。桃花洞口逢劉郎。

巫山神女弄雲雨。楚臺人去空斷腸。步虛聲斷
闌干外。春去秋來顏色改。東風吹老碧桃枝。深
院無人夜如海。

杓欄曲

趙半間

街頭群兒晝聚嬉。吹簫過鼓懸錦旗。粉面少年
金縷衣。青鬟擁出雙蛾眉。駿翁前趨。嵩母誚醜
姬。嗔妬狂客咲虬髯。奮戟武略雄蜂腰。束翠朱
唇小眼前。勾作名利場。東馳西騖。何蒼惶。栖栖
猶是蓬蒿客。須臾換作薇垣郎。新歡未成愁已

作危途墮馬千尋。空關山萬里。客心寒。妻子篝
燈。雙淚落。紛然四座。莫浪悲。是醒是夢。俱堪疑。
紅鉛洗盡。歌管歇。認渠元是街頭兒。

清江曲

劉因

清江美。築玉可憐。岸花汀草。自年年。來鴻去燕。
不相識。曉露無聲。香暗泣。江樓縹緲如花人。望
之見之不可親。無限晴雲錦樹新。愁眉只向遙
山顰。遙山一千里。長在愁眉底。鏡裏繁華過眼
空。遙山鑄向青銅中。遙山遙望。笑渠霜皚凋。

明日愁眉為誰掃。月白江清天未曉。

賦得瀟湘曲送復上人之湖南 錫敬

瀟湘露白西風起。江竹斑斑澧蘭紫。神僧八月
逝。星河木杯飛。渡瀟湘水。瀟湘兩岸遙相望。仙
人霞裾白霓裳。炯炯吳絲照清浦。鳳梭製錦迴
龍章。翠管銀牋為誰寫。瑤珮蠟珠爛盈把。蘭橈
歸來江渚空。五兩懸風疾於馬。鷓鴣啼雨蒼梧
秋。渺渺吳雲天盡頭。翠珉刻得蛟龍字。寄逐南
鴻湘水流。

昭君曲

楊維禎

明月生西彎明妃西嫁幾時還不見單于謁金
陛但見邊書馳玉關漢家將軍高築壇身騎烏
龍虎豹顏何時去彼燕支山嗚呼何時去彼燕
支山

又

胡馬向南飛明妃西去幾時歸胡酥入饌損我
食胡風中人裂我衣胡音不通言語譯有身分
死窮廬域君不見越中美人嫁姑蘇敵國既破

還陶朱嗟嗟孤塚黃草碧秬博呼韓雙白璧

湖龍姑曲

湖風起浪如山銀城雪屋相飛翻白鼉豎尾月
中泣倒捲君山輕一粒浪中拍碎岳陽樓萬斛
龍驤半空立雨工騎羊鞭迅雷紅旗白蓋蚩尤
開青蛾鬢髮紅藍腮紫絲絡頭雙黃能神弦歌
急龍姑來

湘中曲

彭炳

龍挾天河墮江隋天子騎龍上天去轟轟截劍

鑿黃雲日落蒼梧一杯土兩鳳追天住湘浦紅
淡湘筠滿秋雨青山九點又春歸花落無人見
韶舞

春風來

元好問

春風來時瑤草芳綠池珠樹宿鴛鴦春風去後
理草歇來鴻去燕遙相望鴛鴦不得雙燕鴻天
一方娟娟愁眉色靜與遙山長錦衾復羅薦夢
語相思怨月明烏夜啼空閨淚如霰

留春曲

杜堃

絮飛冷骨龍蟠玉花隕香摧鳳啣燭批頰深林
叫新綠倚闌人唱番春曲春光欲去如死灰明
年煖風吹又來如何日日長相守典衣共醉花
前杯殷勤番春春不住白日西馳水東去鏡中
絲髮柰老何君當持杯我欲歌

曉寒曲

趙茂元

曲闌熏織杏花雨博山烟飛裊晴縷。夢回金帳
春融融鷓鴣驚寒。隔窗語美人曉粧雲滿梳柳
風吹香入甃。能翠鬟裊裊。不斷寶釵壓鬢紅。

珊瑚。鬢捲簾。來桃葉。驚起一雙黃。蛺蝶。

雪花曲 宋 晁補之 失名

苦篁獵獵吹北風。黃河水流凝不通。天孫手持
白鸞尾。咲拂琪花飛碧空。岷山玉碎瓊樓裂。老
龍起舞驚明月。夢覺遊魂不覺寒。醉吟紙帳春
雲熱。東家嬌娘厭桃李。學綉宮花瑣窓裏。冷袖
擎來欲細觀。隔簾火氣催成水。

凌波曲 李洞

吳蠶八繭。鸞鴛綺。綺擁彩鸞金鳳尾。昔時啼艷

曉粧殘。滿眼春嬌。拋不起。侍兒解帶羅襪鬆。玉
纖微露。生春紅。翩翩白練輕舒卷。筍箨初翻。弓
樣軟。三尺春雲入手。輕一彎。新月凌波淺。象床
舞罷嬌無力。馬沙踏破參差跡。金蓮窄小不堪
行。自倚東風玉階立。

和王守之斷腸曲 杜元

翩翩白馬垂楊陌。千金結交五陵客。白苧細摺
玉繫腰。迎風葉葉衣袖飄。青樓夜夜隈香玉。錦
帳殷紅射銀燭。蘭房寂寞瑣窓春。一月不動羅

元詩卷六
三
常塵昨宵醉歸扶不起天明又入長安市

又

桃花夾堤春水滑棹歌三疊行舟發行舟去去
東復西幾度桃花二三月花前一別一回老相
思口多惟樂少君重黃金輕別離黃金買得少
年時

夜夜曲

李仲南

玉窓結怨歌幽獨絃絕鴛膠幾時續銅龍漏促
春夜長冷雨酸風亂心曲閑薰翠被鬱金香拂

拭綉枕屏山綠飛飛乳燕歸不得寂寞流蘇帳
前燭

西樓曲

元好問

遊絲落絮春漫漫西樓曉晴花作團樓中少婦
弄瑤瑟一曲未終坐長歎去年與郎西入關春
風浩蕩隨金鞍今年疋馬妾東還零落芙蓉秋
水寒并刀不剪東流水湘竹年年淚痕紫海枯
石爛雨鴛鴦只合雙飛便雙死重城車馬紅塵
起乾鶻無端為誰喜鏡中獨語人不知欲種花

枝淡如洗

送周生

李孝光

二月已暮江水深春風吹折行人心
山頭明月落未落杜鵑夜半莫哀吟
泊船上有青楓林

又

三月欲來花繞陌又唱銅鞮送行客
男兒莫爾可憐生男兒生身好顏色
拔劍起舞鷄鳴柵

北風寄陳輔賢

蕭蕭北風吹客船月未出海天蒼然
客子放歌

解如... 蕭蕭... 天... 海... 西... 山... 軒... 天...

又

君行西過釣臺口寄謝江邊老病叟
坐看雲臺落人手丈夫豈敢愛微軀
奈此黃花一尊酒

吳趨曲送薩天錫

四座並清聽有客歌俠邪
邪不可聽聽我為爾歌
吳趨美人珠被絮請于美人
寶釵有九條美人投我明月珠

羽林

公子披我白氍毹。公子遺我明月珠。孤兒假父云。姓劉其官高於五。諸侯公子之恩何日酬。

大星

大星在天小星落。城頭烏烏吹畫角。津吏擊鼓河上船。行人草草居人憐。男兒墮地弧矢頭。南北東西君莫怨。

輓陳堯

堯草廬吳先聖門人也。有俊才。卒年十八。其妻亦痛哭而絕。

垂舟沃酒魚口熱。小袖菜衣雙鳳結。春歸白玉不禁寒。雪兔西沉半山缺。望夫化去孤石裂。死與韓憑誓同穴。鬼狐寒食上新丘。陰風自掃梨花雪。

塞上曲

元好問

平沙細草散羊牛。一簇征人在戍樓。忽見隴頭新馬過。一時迴首望南州。

采桑曲

趙孟頫

野雉朝雊雊。且飛誰家女兒。採桑歸欲折花枝。

元祐卷五
挿丫髻還愁草露濕裳衣

雙蝶曲

楊維禎

恨妾不似朝雲去恨郎不似暮雅歸夜來別梳
有同夢覺化一雙蝴蝶飛

烽燧曲

美人方一咲烽火不須驚昨夜驪山下西戎已
結兵

牧羝曲

老羝何日乳歸鴈忽能言不逐虞常死丁零尚

有恩

漸臺曲

皎日常持信倉皇不改貞君王符不到水長漸
臺傾

城門曲

謀報越王兵城門夜不扃孤臣晴不死門月照
人青

蘇臺曲

吳王張高宴臺下闕犀兵高臺三百里不見越

玉城

昭陽曲

美人新睡起內史報蘭湯散盡黃金餅無尋赤鳳凰

銅雀曲

帳中歌吹作玉座奉晨曛西陵迷望眼日暮起浮雲

秦宮曲

妾自夫君戍繁陰路不通將軍哮似虎少婦竊

秦宮

雌雄曲

妾夫曉出塞妾夜馳孤忠誓作干將劍一死雙雌雄

採蓮曲

東湖採蓮葉南湖採蓮花一花與一葉持寄阿侯家

又

同生願同死死葬清泠洼下作鎖子藕上作雙

頭花

賭春曲

閨草歸來後開筵又賭春階前撒珠戲獨是得
雙人

春波曲

家住春波上春深未得歸桃花新水長應沒浣
紗磯

空桑曲

高樓有獨婦白晝彈空桑門前誰下馬不是五

樓倡

洞庭曲

日落洞庭波吳娃蕩槳過道人吹鉄笛風浪夜
來多

吟體

吁嗟感慨如蛩蠶之唵讀之使人怨思如
白蘋梁父處女者是也今錄中吟咏悽惋
之情有唐音所不及者

湘江吟

周衡之

離思溢冲抱遊子感年歲長洲藹芳杜湘雨濕
行旆青林動江色杳杳白鳥逝歌騷佇高風誰
與奠楸柱

又

天寒楚雲靜木落湘山幽空江夜來雨水滿蘆
花洲西風何渺渺滄波日悠悠有懷誰與言注
目孤鴻秋

桃李吟

周豈

我為桃李吟聲調一何苦昨日滿園花今朝半

塵土桃李不長春苦調難再陳君看道傍婦昔
日朱門人

梁園吟

元好問

雙鳳蕭聲隔彩霞宮鶯催賞玉谿花誰憐麗澤
門前柳瘦倚東風望翠華

雙燕吟

黃君瑞

雙燕雙雙飛更復雙雙栖穿花探水雙啼泥蒼
前葺壘雙哺兒春風一雙至秋風一雙歸念尔
雙不得故巢須獨依莫學人妻朝亡其夫莫嫁

之莫學人夫莫亡其妻朝納妃

秋宵吟

趙茂元

平林薄暮風淅瀝黃金滿地秋狼藉
新月出嶺光欲流萬籟無聲夜寥閒
誰家美人吹鳳簫彩鷺對舞摩青霄
闌干縹緲碧雲遠天風入骨涼
蕭蕭鉅壺水寒銀箭溢玉露滴空衣袂濕
落花落盡爐烟收幽懷耿耿生新愁
寒螿啼碎人間秋

對月吟

韓中村

霜風捲地霜氣乾碧空照水生晴寒
天公合就七寶團何年轉向玻璃盤
婆娑老樹籠仙窟夜夜飛從海底出
遂使時光挽不留盡向婆娑影中沒
幾人綠髮紅顏好照見顏衰髮應槁
年去年來無盡時政恐月中人亦老
客窓見月空沉吟碧紗如霧愁人心
燭光撲散香滿襟下階踏碎梧桐陰

棄婦吟

萬石德躬

上堂拜姑姑不語門外上車別隣里
命輕不敢

怨它人。回頭却看房中女。女子勿啼汝父賢。必
不嫁汝狂少邊。丈夫有心只如此。蕩子情多無
十年。風吹柳花春日暮。隣姬送上來。時路父母
俱亡門戶衰。未到先愁兄嫂怒。歸來明鏡半無
光。綉帶雙紅空斷腸。今夜無人看夫婿。兩打寒
窓歸夢長。

可惜吟

余闕

春風吹人上粧樓。樓頭畫眉望池州。平生倚君
似山海。十年不見胡不愁。東家買紅聘小女。西
家迎鳶夜擊鼓。眼看拾翠同年人。今又堂堂作
人母。良人良人固家貧。妾身待君亦苦辛。只愁
明鏡生白髮。有錢難買而今春。此心懸知燕堪
托。裁書繫渠左邊脚。願將妾言入其幕。纈紋資
裝亦不惡。

段節婦吟

貢師泰

海可塞山可移。志不可奪義不可虧。妾為段家
婦。年紀方及笄。上堂奉公姑。入室携兩兒。兒死
夫亦死。此生將何為。昔如雙鴛鴦。今日為孤雌。

昔如三春花今日成枯枝寒風吹短髮明月照
空幃百年在世能幾時父兮母兮不我知青天
在上將誰欺

嘆體

沉吟深思發乎太息謂之嘆昔南蒯之將
叛其卿人或知之過之而嘆者是矣唐李
涉有六嘆詩此言之不足故嗟歎之也今
貧婦征婦等結語無慈惡而含忠愛之意
情之至而義之盡也

貧婦嘆

貢師泰

結髮事夫子相期首俱皓如何割歡愛長年在
遠道井臼其勤勞衣食無完好妾身徒區區妾
心實杲杲鳥飛尚投林魚遊亦依藻君非魯秋
胡貞心諒同保

美人嘆

胡杖

高樓美人一點雪翠袖舞落青天月樓上酒杯
乾樓頭杏花折綠帶鴛鴦雙袖結逆郎送郎別
明日新腔為誰發

正婦嘆

韓中村

虎頭將軍眼如電，領兵夜渡黃河面。
良人腰懸大羽箭，遼東掠地遼西戰。
一紙紅牋寄春怨，十年消息無歸便。
日長花柳暗庭院，斜倚粧樓倦。
針線心憶良人嗔，不見手擲金彈打雙燕。
無術平戎報明主，恨身不是奇男子。
倘妾當年未嫁夫，謂學明妃獻西虜。

紀信嘆

周衡之

沛中龍奮芒碭雲，咸陽楚炬三月焚。
兩雄角起

鹿在野三戶有楚，無強秦豺貅百萬紛如雪。
戈矛盡染英雄血，旌旗曉蔽大河雲。
兵塵夜暗中，原月滎陽數載戰不休。
重圍食盡漢亦憂，將軍詐帝出降楚。
脫帝虎口真良儔，失何諸將已平楚。
事定論功列茅土，獨無旌美到將軍。
不得褒名紀明府，男兒死節志已酬。
瞑目地下夫何求，吁嗟功怨俱悠悠。
漢廷雍齒還封侯。

古釵嘆

吳嵩

何年美人寶釵失，深井沉泥玃藥一朝拾得再。

元詩卷六
指磨三回五回看嘆息雙鸞匹鳳兩股勻終然
汚色難為新當時光瑩照頭上有似桃李搖青
春今人不識古儀狀寶釵雖好非時樣為君插
罷擁髻悲物無貴賤皆隨時

老牛嘆

楊果

老牛帶月原上耕耕兒怒呵嗔不行癢瘡滿背
股流血力之不勝空哀鳴日暮歸家羸欲倒水
冷糞枯莖顆少半夜霜風徹骨寒夢寃猶遶桃
林道服箱曾作千金犍負重致遠人所憐而今

棄擲非故主飽食不如盜倉鼠

甘菊嘆

覺恩斷江

手栽甘菊岩之阿一十一莖為一窠當暑不灌
亦不摘自然生意成婆娑頗恠秋來風雨橫枝
條滿地根鬚迸青虫食葉還食心小草閑花出
頭上林間一夜清霜飛虫死草枯唯菊枝黃金
錯莫看愈好三嗅馨香徒自悲

蕨萁嘆

黃君瑞

信州州官萬鍾粟殺馬槌牛日絲竹信州鄉民

九詩卷六
蕨作糧三月懷飢聚頭哭蕨蕨開葉不可食蕨
根有粉聊鋤鋤偏攻性冷損胃氣民面生黃苦
憔悴縣不申聞郡不知官倉有米重封閉重封
閉將若何衆人歌我蕨蕨嘆九莖莫唱靈芝歌

怨體

怨恚恨也亂世之音怨以怒如長門婕妤
昭君等作載于樂府詩集者不少其聲哀
思激切今之選者類此落花楊柳得比興
意秋風輓轡有賦味體青閨長門樂天不

能過之結楊柳王張何足多讓其諸絕句
情見乎辭皆不得不錄者

落花怨

林清源

落花怨東風情薄不可托紅顏為君開衰顏為
君落願落流水中隨君遠漂泊

楊柳怨

楊柳怨春江何事多離別年年枝上青日日行
人折安得如桃李當使人娛悅

婕妤怨

趙文

團圓一片冰。出自蠶女紅。何言入君手。動搖生清風。一朝棄篋笥。零落如秋蓬。時節自當爾。君子詎無終。

秋風怨

元好問

碧瓦高梧響。踈雨坐倚薰。籠時獨語守宮一着。死生休。狗死鷄飛莫為女。雲間簫鼓夜厭厭。禁漏誰將海水添。一春門外羊車過。又見秋風拂翠簾。捻把丹青怨延壽。不知猶有竹枝鹽。

歸舟怨

渡頭楊柳青復青。閨中少婦動離情。只從問得狂夫處。夜夜夢到洛陽城。南風吹櫓聲。北鴈鳴嚶嚶。江流望不極。相思春草生。

紅窓怨

周竹坡

啼鶯喚起紗窓夢。紅日滿簾花影弄。翠屏香字冷薰爐。羅衣疊損金泥鳳。去年君去燕歸時。今年燕來君未歸。欲把相思桃錦字。夜寒嬾上鴛鴦機。起來翠袖香羅薄。東風滿地桃花落。

鞦韆怨

范梈

門前水楊聲似雨幽人當窓碧絃語東里狂夫
去不歸一雙蛾眉鏡中舞年年井上攀轆轤勞
心只恐秋葵枯他家住得長生草梅花落盡青
青好

青閨怨

袁楠

妾家住在湘江曲門枕湘江春水綠年年長是
暮春時兩岸人家啼布穀自君話別湘江頭獨
上層樓彈篋篔簹蛾眉不掃遠山碧滿堤芳草春
正愁舉頭不見君但見湘江雲江雲聚復散妾

心空如熏舉頭不見君但見湘江水江水去不
回妾顏為誰美湘江雲湘江水雲水悠悠何日
已舉頭望君君不回門前楊柳空依依

結楊柳怨

元好問

長樂坡前一杯酒鄭重行人結楊柳可憐楊柳
千萬條看看盡入行人手輕烟細雨綠相和惱
亂春風態度多路人愛此風流樹無柰朝攀暮
折何朝攀暮折何時了不道行人暗中老素衣
今日洛陽塵白髮明朝塞城草柳色年年歲歲

青關情何事管離情春風誰向丁寧道新盡垂
條莫再生

江南怨

薩都刺

江南怨生男遠遊生女賤十三畫得蛾眉成十
五新粧識郎面識郎面面猶淺千金買官遊不
轉如家水田跨州縣大船小船過淮甸買官未
得不肯歸不惜韶華去如箭楊花簾幙飛乳燕
踈雨梧桐閉深院人生無如江南怨

長門怨

宋無

金壺咽漏蓮花澁銀箭浮遲渴烏泣知更阿監
羅襪冰暝對星河玉階立內官唱滿吹曉籌芙蓉
菟菟破燕支愁起來粧罷窺綉戶三十六院殘
燭幽建章風傳鳳吹遠翠華晨幸昭儀館篋篋
不語心自語愁長如天恨天短紅裯暖踏楊花
雪絳綉閑封守宮血鸚鵡空猜警蹕聲春寒緊
護流蘇結

又

楊維禎

阿嬌聘美目阿嬌住金屋金屋瑤華春未老長

門○一○夜○生○秋○草○蜀○才○人○金○百○斤○受○金○為○我○賦○長○
門○賦○長○門○寫○春○愁○君○王○見○之○為○傷○秋○臨○邛○溝○水○
東○西○流○不○知○少○婦○悲○白○頭○

人最怨

兒為王母為囚朝春暮春無時休天高地厚日
月愁母苦不得從兒遊漢家謀臣張番侯老人
立致商山頭君玉輕信羽翼愁十年身後知安
劉冕鉗之人何以留

酬昭君怨

楊奐

王親辭金闕貂裘擁綉鞍將軍休出戰塞上雪
偏寒

征人怨

元好問

瀚海風烟掃易空玉關歸路幾時東塞垣可走
秋寒早一夜清霜滿鏡中

少婦怨

趙孟頫

梧桐清露斷鴻飛首帶連天汗馬肥少婦幽州
幾時夢征夫紫塞沒書歸

代項氏怨

李宗烈

少無殊倚老何堪白髮婆娑亂不箚夢裏尚思
江北好梅將夫骨墓江南

也教恁

別來半一尋歲疎懶

南宮別後新得王

也教恁

元詩體要卷之六

元詩體要卷之六

